

THUTO KA MOSHE

Go lokile. Modimo a go šegofatše, Ngwanešu Neville.
Moso o mobotse, bagwera. Ke swanetše go lebelela gatee
nakwaneng go hwetša ge eba ke mosong goba mantšiboa.
Gabotse, ke thabile go ba fa mosong wo. Go ruthetše, gomme
ka kgonthe le ne kamogelo ye borutho. Ga re sa na nako ya
seruthwana; re ne selemo le marega fa, a ga re? Se sengwe le se
sengwe se bonagala go tšwa tseleng, ka mokgwatsoko.

² Gabotse, se se ntiegišitšego, ke—ke hlwekiša ntlo. Gomme ke
be ke ngangegile le go ruruga mosong wo. Gomme ke tsogile
nakong ye ntši, eupša ga se ke lemoge mosadi o ne mošomo
wo montši kudu go dira, ba swanetše go lokišetša bana ba
bararo gomme morago ba ye sekolong sa Lamorena. Oo, nna!
Bontši ka moka go dira, go feta ke naganne go bile go dira.
Gomme ke naganne, “Gabotse, bjale . . .” Mantšiboeng a go feta
be ke šoma, gomme—gomme ke—ke tla go tšwa tšhemong ya
boebangedi . . . ? . . . Nna, a mošomo ga o thata go o hwetša? Hmm!
Ke tshepišitše ditolara tše masometharo tlhano ka beke go yo
mongwe go šetša lesea, gomme ga a gona a ka e dirago.

³ Moisa o ngwetše nkgetlwana ka pampiring fa e se kgale
kudu. Nnete, se ga se ye go se. O rile o be a le godimo fa,
mohuta tsoko wa radipolitiki godimo fa ka Kentucky, o rile o
bile ka sešoleng gabedi, o ile a gobatšwa makga a mararo, bjalo
ka mogale, o phetše modudi ka boagisaneng, o dirile dilo tše
dintši, o phološitše maphelo a bana ba babedi, gomme o tee
go tšwa nokeng yo mongwe go tšwa go se sengwe gape, lebetše
ke eng tšohle a swanetšego go di dira. Gomme mafelelong o
naganne, gabotse, ba swanetše go boloka boagisane gabotse, o
tla phenkgišetšana ofisi. Gomme ge a dirile, go tšwa go batho
ba dikete tše lekgolo, o hweditše dibouto tše tlhano. O botšišitše
šerifi ge e ba a ka kgonia go hwetša šotekane ya go segiwa go mo
thusa go tšwa ka boagisaneng, o rile, “Go kotsi ebile go phela
tikologong ya toropo.” Ga se a be le bagwera ba go lekanelia go mo
thusa go tšwa ka toropong. Woo ke mokgwatebelelo wa Amerika,
golebjalo, a ga se? Yeo ke nnete. Ka Amerika, ge o dira kudu,
ke bontši o letetšwego go dira. Yeo ke nnete, go letetšwe bontši
go wena.

⁴ Gabotse, ke nyaka go fetiša ditebogišo tša ka mosong wo
ka ga ka fao kereke e bogegago go hlweka le gabotse. Gomme
ge ke rotoga, ba bile le mojako fale go fa phatlalatšo ye kaone.
Kafao seo se bose ka kgonthe, e ka ba mang a lego potong ya
bahlokamelaphahlo fa gomme a thušitše go thoma se. Seo ka
kgonthe se bile bose ka maatla, gomme ke mošomo wo mobose
wa go hlweka. Ke nagana Ngwanešu Hall, ge ke sa foše, o o dirile.
Woo ke mošomo wo mobotse kudu.

⁵ Bjale, go thari gannyane, eupša le tseba ka fao batho ba bokgethwa ba lego. Le a bona, ga go na nako ye rilego, a re, Ngwanešu Slaughter, Ngwanešu Deitsman? [Baena le ba bangwe ba re, "Aowa."—Mor.] Feela se sengwe le se sengwe feela bjalo ka ge re se tsea.

⁶ Bile le dikopano tša go kgahliša tlase ka Borwa! Eupša ke kgonne feela go bolela feela matšatši a se makae a go feta. Ke rerile lebaka la dikgwedi tše nne, go lokologana, gomme ga se ke be le segalontšu go lekanelia ebile go—go ebile go hwenahwena. Ke no bile mohuta wa go dira mesepelo go mosadimogatša wa ka, le a tseba, se ke se nyakilego, gomme go mohuta wa... Gomme ka morago ga seo, le go tleng morago godimo fa moo go bilego mohuta wa boso bjo bongwe bjo bja boikaketši re bilego le bjona, (gobaneng, go tonya letšatši le lengwe gomme go fiša le le latelago), ke hweditše wa kgonthe, mpshikela wa kgonthe wa fešene ya kgale. Gomme ke tsogile, matšatši a mmalwa a go feta, gomme ka thomiša gape. Gomme kafao re leboga Morena yo mobotse, golebjalo, bakeng sa bobotse bja Gagwe bjohle le kgaogelo go rena, le—le ka fao A bilego go loka. Bile le dikopano tša go kgahliša tlase fale, gomme Morena o re šegofaditše go fetiša, ka boati.

⁷ Gomme bošegong bja go feta, kgauswi le bošegogare, Ngwanešu Wood o nteleditše tlase ntlong ya gagwe, le Ngwanešu Arganbright mo mogaleng, a nnyaka ke thome ka Switzerland. Kafao, ke bontši kudu go yago bakeng sa mokgalabje.

⁸ Kafao, bjale, kopano ya rena ya go latela e thoma ka la lesometee la kgwedi ye e latelago ye, ka Cadle Tabernacle ka Indianapolis. Ka ca—ca Cadle Tabernacle ka Indianapolis, go tloga la lesometee go kgabola la lesometlhano. Gomme morago, go tloga fao, godimo go—go Minnea—...Minneapolis; go tloga Indianapolis go ya Minneapolis, Banna Ba Kgwebo Ba Bakriste.

⁹ Bjale ke nagana Ngwanešu Neville o nteleditše, gomme ke nyakile go bontšha ya ka...hlagiša ditebogo tša ka go yena le boraro bja Neville bjo bo ttilego tlase le go opela bakeng sa poloko yela bakeng sa ka, ke bilego letšatši pele ga maabane. Gomme ke kgopetše Ngwanešu Neville; se go be le baopedi e ka ba bafe, lapa la Liddick; ge Mna. Liddick a ile Gae Letagong. Gomme ka nnete...ge eba morwa wa gagwe, ga se ke mmone fa; gomme ke hweditše moragorago e be e se morwa wa madi. Go tsebeng papagwe o be a ehwa, a sa phološwa, kitimetše gae go ntšea, pele a...gomme papagwe o phološitšwe pele a hlokofala. Kafao selo se segolo mošemanе yola a kilego a se dira, e bile go tla go hwetša yo mongwe go rapelela papagwe pele a eya. Gomme boraro bja Neville bo tlie tlase gomme ba ba opeletše ka kgonthe ka go ratega.

¹⁰ Gomme kafao Ngwanešu Neville o nkgopetše ge eba nka bolela mosong wo le mantšiboeng a, gape. Kafao le a hlokomela,

Lengwalo le re, “Kgopelang gagolo gore . . .” Kafao Ngwanešu Neville ka nnete o Lengwalong go dilo tše, kudu kudu! Gomme kafao ke tla dira bokaonekaone bja ka.

¹¹ Bjale, ke boletše mosong wo, go beng ke Letšatši la Bomme, gomme re nyaka go bolela le—le bana ba bannyane. Ke naganne mosong wo go tla ba nako ye botse go—go bana ba bannyane. Bjale ke nagana gore letšatši la mme . . .

¹² Bjale, ga se gona e ka ba sefe se sebosana lefaseng, seo re se tsebago, go feta wa kgonthe, mme wa mmapale. Modimo šegofatša soulo ya gagwe ya mogale, wa kgonthe, mme wa kgonthe. Eupša re ne dikemedi tše dintši lehono tše—tše di bitšwago “mme,” tše e sego mme; ba no ba basadi ba ba nago le bana, eupša e sego mme. Mme wa fešene ya kgale ke yena yo a hlokomelago lapa la gagwe, gomme a sa gabalalago le dilontše le ditansi, le bošego bjohle botele, a kgoga, a enwa, a tsena. Ga a swanelwe ke leina lela la go kgethega la mme. O no ba mosadi, ke phetho, yoo a godišago ngwana; eupša e sego mme, gobane *mme* go ne tlhalošo ya go fapano go yona. Bjale ke—ke nagana ge o . . .

¹³ Bjale, go Letšatši la Bomme, ke nyaka go itlhagiša nnamong gabotse ka kgonthe. Ke ne mme wa motšofe wa hlogopududu a dutšego fale, nnamong. Gomme ke nagana, letšatši, go lokile; eupša letšatši le lengwe le le lengwe le swanetše go ba letšatši la mme, feela e sego gatee ka ngwaga. Gomme lebaka le dilo tše tša Letšatši la Mme di kgatlampanganago bjale . . .

¹⁴ Gomme ke a bona re no ba ba se nene, gomme bohole re a tsebana seng. Re magagešo a gae, gomme ke ka lebaka leo re yago go bolela ka tsela ye.

¹⁵ Ke nagana mme o swanetše go hlompšha letšatši le lengwe le le lengwe go swana, yeo ke nnete, mme wa kgonthe. Gomme, eupša letšatši le ba le bitša Letšatši la Bomme, ga se selo ka lefaseng eupša ditšiebadimo tše kgolo tša kgwebo, go no gamola batho bakeng sa tšelete. Gomme ke kgobošo go mme, Letšatši la Bomme, lebaka la gatee ka ngwaga, “Gabotse, ga re ye go mmona, eupša re tla mo romela sehlapha se sennyane sa matšoba gomme seo se a e ruma.” Yoo ga se mme! Nna, mmalo! Mme wa kgonthe ke mosadi yoo o . . . yo a go godišitšego, gomme o a mo rata, gomme o a mmona le go bolela le yena nako yohle. O hlagiša lerato la gago go yena nako tšohle, e sego feela letšatši le letee ngwageng.

¹⁶ Eupša feela pele ke thomiša ka terama ya ka ye nnyane, ke tla rata go no hlagiša se, le go mpshafatša . . . Ba bangwe ba lena, bontši bja lena ba hwile, ba bantsi ba bona ba ile ge e sa le ye e dirilwe. E be e le 1933.

¹⁷ A le bone ka pampiring mašego a se makae a go feta moo mosadi yola a bolailego monna yola? o mo fošeditše tselamathuding a gagwe le go no otlela morago le pele go mo kgabaganya ka koloi ya gagwe go fihla a nno mo phintshaganya

gohle mo tseleng. Gomme ba rile, bo—bo boramolao le go ya pele, ba rile, “A seo ga se sole letswalo la gago?”

O rile, “Modimo le nna re lapišitšwe ka tsela ye basadi ba swarwago.” Huh! Ya, ke yena modingwana. Yeo ke nnete. “Ba lapišitšwe.” Setšhaba se se ka kobamela tlase gakaakang? Re ka ya bokgole bjo bokaakang ntle le kahlolo Kgethwa, ke a makala? “Modimo le nna”? Ge nkabe Modimo a le molato wa ditšiebadimo tšohle di beilwego godimo ga Gagwe, O be a ka se be Modimo, ke nnete. “Modimo le nna”? Nna! Modimo ga a ne selo go dira le seo. Makala ge a le mošola ka tlaišegong, o tla nagana bjang ka yona nako yeo? Oo!

¹⁸ Amerika! Bjale le a elelwa, ge e ba le se na se se ngwadilwe, e ngwale. Ye ke kakanyopele ya ka. Le a bona? Ka 1933, ge re be re ne ditirelo tlase fa moo ya kgale, ke a dumela Church of Christ e fale bjale, go be go le ya kgale... Ke thwi godimo fa, Ngwanešu Neville, thwi tlase go otologa. Charlie Kern o be a dula fale. Ke eng... Legae la ditšhuana godimo fa go Meigs Avenue. Ka 1933, ke be sa tšo hwetša Ford ya 1933, gomme ke e gafetše go Morena mosong woo. Gomme, pele ke tloga gae, ke bone pono. Ke ne yona e ngwadilwe, letlakala la kgale le leserolwana le sa letile ka Beibeleng. Ke bone nako ya bofelo e etla.

¹⁹ Gomme, lena, ke ba bakae ba elelwago se koloi ya '33 e bogegilego bjang morago fale? Oo, e be e le mohuta wa go kitimela ntle ka mokgwa *wo*, le godimodimo ka morago, gomme e ripilwe fase bakeng sa lebile la sephere go lekelela go yona. Ke bone pono, gore, “Pele ga go Tla ga Morena, gore dikoloi di tla bogega boka lee.” Ke ba bakae ba elelwago kakanyetšopele yela? A go ne e ka ba mang a šetšego ka fa? Ngwanešu Seward o ile. Gomme ke a thanka... Go bile 1933 ge re be re ne ditirelo godimo fa. Ke a thanka feela e ka ba bohole ba bona ba ile bjale, ge e sa le nako yela.

²⁰ Gomme ke akanyeditšepele, gore, “Amerika, modimo wa bona wa nomoro ya pele e tla ba basadi.” Seo ke se e lego sona. Se sengwe le se sengwe se fešenwa morago ga Hollywood. Ke ne dilo mo rekotong go tšwa go faele ya FBI tše di tla le tširošago diripana feela—feel a go le botša, thwi moo... Le kgobogo go dinaletšana tše tša mobi, ga go le o tee wa bona, go thata, eupša yo a lego mmalegogwana. Gomme FBI e e senotše feela e se kgale. Ke ne yona go tšwa faeleng ya bona. Gomme kafao bohole ba bona ba phela ntle, ebile le dinaletšana tše tša mobi, moo a netefaditšego, ba ile le go ba topelela, ba phela le banna, ditolara tše masomepedi tlhano le masometlhano ka bošego, monna, bohole godimo le tlase, ka Hollywood le mogohle, ba bile le magae a sephiri le banna morago ka fale moo ba tla ba romelago batho ba. Gomme ke seo re se lebelelagoo, thelebišene, le—le ntle fa ka go diskirini tše le dilo, gomme re lese bana ba rena go bitša yoo modingwana. Gomme morago o bitše yoo *mme*? Yeo e kgolekgole le go beng mme. Yeo ke tšila. Seo ke tlwa. Gomme

efela ba bea lebelo la letšatši. Re ba lesa . . . mohuta wa diaparo ba o aparago, šetšang basadi ba Amerika ba apara thwi feela go etša bona, le se sengwe le se sengwe. Kgonthé. Gomme modimo wa Amerika ke mosadi. E sego Jehofa; ba furaletše go Yoo. E sego go *mme* bjale, bjale beela seo ka thoko, seo ke selo se se kgethegilego re yago go bolela ka sona; eupša ke ra *mosadi*.

²¹ Gomme, elelwang, ke akanyetšapele gore pele ga tshenyegomoka ye kgolo, ye ke sa rego Morena o mpoditše se, eupša ke dumela go tla direga se sengwe e ka ba magareng ga bjale goba nakong yeo ka '77. E ka no tla mo nakong ye. Eupša magareng ga bjale le '77, ke akanyetšapele gore tshenyo ye kgolo goba tshenyomoka ya lefase ka moka, magareng ga bjale le '77.

²² Ke e akanyeditšepele, ka 1933, ke akanyeditšepele gore basadi ba tla ya pele ba nola mooko gomme setšhaba se tla ya pele se ewa, gomme ba tla tšwelapele ba swareletše go *mme*, goba boka *mme* ka mokgwa woo, go fihla ba e ba, mosadi a eba modingwana. Gomme morago ga nakwana, gore, "Amerika e tla bušwa ke mosadi." E marakeng gomme le bone ge eba ga se nnete. Mosadi o tla tše legato la Mopresidente goba se sengwe, se segolo, maatla tsoko a godimo ka Amerika.

²³ Ge, ke bolela se ka tlhompho, bahumagadi, ge mosadi a etšwa ka moraleng, o tšwile lefelong la gagwe. Yeo ke nnete. Ke moo a lego wa gona. Ka ntle ga fao, ga a ne lefelo. Gomme bjale, ga ke thata go bona, eupša ke no bolela se e lego Therešo le se Beibele. . . . Go be go fela monna a le hlogo ya ntlo, eupša yeo e bile matšatšing a Beibele. Ga a sa le. Ke yena phapete, goba ke yena . . . goba moledi goba se sengwe. Gomme bjale, aowa, ba nyaka go hlokomela dimpša, ba diriša thibela pelego, gomme ba kuka mpša ye nnyane ya kgale tikologong ka matsogong a bona nako yohle, gore o kgone go kitima mogohle bošego bjohle.

²⁴ Ga—ga ke bolele ka *mme*. Modimo a ba šegofatše. Ke seo se swerego setšhaba mmogo bjale, tselaseripa, ke wa kgonthé, wa go loka, wa go kgethega, *mme* mophološwa ke Modimo. Yeo ke nnete.

²⁵ Eupša dihlong ka fao basadi ba rena ba tswapogilego! Ke ne nkgetlwana ya pampiri, ke e ripile ka morago ga Ntwa ya Lefase ye ya mafelelo, nomoro ya bobedi, yeo e rilego, "Maitshwaro a basadi ba Amerika a ile kae, gore, ka morago ga dikgwedi tše tshelelago mošwamawatle, mašole a mane go tšwa go ba bahlano ba hladilwe ke basadibagatša ba bona, gomme ba nyetšwe ke monna tsoko yo mongwe?" Gomme ebile ga ba kgona go ba emela go tla morago go tšwa mošwamawatle, mašole godimo fale ba ehwa lefelong la ntwa! Motho yola a dirago seo ga a ne maswanedi go bitšwa *mme*, leina lela la go kgethega. Aowa, ga se yona. Kafao ka mehla ke biditše "mohloyabasadi," eupša ga ke yena. Ke nagana mosadi ke selo sa go kgahliša, le *mme*,

gagologolo. Eupša ba swanetše go ba mafelong a bona le go se tsee lefelo la monna, le go se tsee lefelo la Modimo.

²⁶ Gomme mosong wo ke kwele kereke ya bokgethwa e bolela, gore, "Mme o buša dinaledi tša Legodimong," le yohle ye. Ke kgona go eleletša Makatoliki a dira seo go Maria kgarebe, le go ya pele ka mokgwa woo, e lego, go rapeleng bona basadi ba ba hwilego, Mokgethwa Cecilia le bohole boka bao, e lego sebopego sa godimodimo sa bomoya. Ke sohle se lego. E ka ba eng e boelanyago le bahu ke bomoya. Kafao, go ne Mmoelanyi o tee a nnoši magareng ga Modimo le motho, gomme yoo ke Kriste Jesu. Yeo ke nnete. Ga go mokgethwa yo mongwe, ga go selo ka ntle ga Morena Jesu Kriste ke Yena a nnoši Yo a lego Mmoelanyi magareng ga Modimo le motho. Eupša ge ke bona dikereke, ebole go tleng ka morago ga phuluphithi, bokgethwa bjohle bo tlošitšwe go Kriste gomme bo filwe go mme, bokgethwa bjohle bo tšerwe, gona—gona ba a thoma gomme ke lena bao.

²⁷ Kafao, eupša go ne mme wa kgonthe a šetšego. Tumišang Modimo! Feela boka ge o bona moikaketši; go ne Mokriste wa kgonthe yoo ka kgonthe a phelago bophelo. Ge o ne hlogo, o ne mosela. Yeo ke nnete tlwa. Gomme bjale, mohuta wola wa mme le mohuta wola wa ngwana, re duma go bolela ka ona bjale ka Beibeleng.

²⁸ Bjale ke a makala, ke bašemane ba bannyane le basetsana ba bannyane ba bakae re nago bona fa mosong wo? Ge eba le kwele kgašo ya Ngwanešu Neville maabane. . . . Ke basetsana le bašemane ba bannyane ba bakae ba ka ratago go rotogela fa le go dula fa setulong sa ka pele ge ke bolela le lena? A o ka rata go rotogela fa? Go ne se tee, tše pedi, tše tharo, tše nne, ditulo tše tlhano fa; se setee fa, ke tše tshela, le ditulo tše dingwe tše dinnyane fa. A o ka rata go rotogela ka pele, ba bangwe ba lena baisa ba bannyane le ka kgona ntle le mama wa gago, gomme o ka rata go rotogela fa? O amogelegile go fetiša! Bomme tlang. . . [Ngwanešu Neville o re, "Go ne ba bantši; bontši bja bona ka kamoreng ya sekolo sa Lamorena."—Mor.] Oo, ba ka kamoreng ya sekolo sa Lamorena. Gabotse, go kaone. Re tla leta metsotsa e se mekae, gomme tla be re bolela, gomme ba tla tšwa mo metsotsong e se mekae. Gomme re tla no kgobokana go dikologa, a mannyane a kgale a maso, le a tsortho, le mahlo a bolou, godimo fa, le—le go bolela le mongwe le mongwe wa bona. Bjale, ke ba bakae ba ratago Morena? E reng, "Amene." [Phuthego e re "Amene!"] Go lokile.

²⁹ Bjale ke nyaka go bolela le lena bomme le bana, gomme e lebišitšwe go bona.

³⁰ Bošegong bjo, ge Morena a rata, ke nyaka go bolela ka mohlolo wa mathomo Jesu a o dirilego, le ka fao o dirilwego, le ka maatla afe, le O dirile eng ge A dirile ya Gagwe. . . . Ke ba bakae ba tsebago ke eng mohlolo wa mathomo A o dirilego? E

boleleng, bohole mmogo: "O fetoletše meetse go beine." Yeo ke nnete, mohlolo wa mathomo A o dirilego. Bjale, ge Morena a rata. Ge ke be ke ithuta, mosong wo, go no tla monaganong wa ka.

³¹ Ke a bona re ne mogwera wa rena wa go loka, Mna. le Mdi. Yeker morago fale, ke a dumela, mosong wo. Ke no diregile go ba lemoga ge ke retologa kota ka tsela ye. Letšatši le lengwe ke tšere tlhahlobo; ke swanetše go ipoloka nnamong bakeng sa ditlhahlobo mabapi le mošomo wa mošwamawatle. Gomme, ge ke tšwela ntle, ke kopane la mang eupša Mna. le Mdi. Yeker, ba dutše ntle fale ka ofising—ofising.

³² Ngk. Schoen, ka Louisville, ngwanešu yo mokaone wa Mokriste. Ke a le botša, ka kgonthe ke kopane le monna wa kgonthe fale, yena wa kgonthe yo a dumetšego go Modimo le go bea tshepo ya gagwe fale. Le a tseba ke eng? Ke a le botša. Ke hwetša dingaka tše dintši di dumela go phodišo Kgethwa go feta ke dira bareri. Yeo ke nnete. O bolela le bona. O rile, "Ka nnete." Gomme ge a... Ge ke ile go sepela, o tšere seatla sa ka, o rile, "Ngwanešu Branham, o direla batho bontši go feta nka tsoge ka kgona go dira." O rile, "Yeo ke nnete." O rile, "O ka kgona go thuša batho ebile nka se kgonego go ba kgoma." O rile, "Yeo ke nnete."

³³ Ke rile, "Gabotse, nneteng, o ka kgona go roka, goba go bea lerapo, goba se sengwe boka seo. Eupša Modimo o dira go fodiša."

³⁴ O rile, "Yeo e nepile." Amene. Oo, ke rata go bona ba monagano o phatlalatšego, batho ba go nagana ka tlhaologanyo. Ke nagana ka bongaka, le ngaka ya kalafo, le ngaka ya sebopego sa mmele, le ngaka ya marapo, phodišo Kgethwa, le bohole mmogo, ge e ka ba efe ya tšela e ka fodiša e ka ba ofe, ke a e thekga. Gomme ge o tšeа ngaka e sola moreri; moreri a sola ngaka; gomme ngaka ya marapo e sola—sola ngaka ya go kara; ngaka ya go kara e sola ngaka ya kalafo; o ka kgona go eleletša se, go ne maikemišetšo a boikholo felotsoko. Yeo ke nnete, gobane ye nngwe le ye nngwe ya tšona e netefaditše gore e thuša yo mongwe. Yeo ke nnete tlwa.

³⁵ Bjale selo sa gona ke, ke a nagana, ge maikemišetšo a rena a lokile, le dipelo tša rena di loketše batho, re tlamegile go šoma mmogo go thuša motho mogagaborena, go dira bophelo bjo bonolo. Gomme gona maikemišetšo a gago ga se go ikhola, go fa tumišo go Modimo Yo a fago dilo tšohle mahala. Amene. Ee, mohlomphegi. Oo, ga ra swanela go ba le boikholo bofe felo; go swanetše go ba ka phethagalo.

³⁶ Ge ngaka ya sebopego sa mmele a ka thuša *yo*, gomme ngaka ya marapo a thuša *yo*, ngaka ya karo ya thuša *yo*, gomme se sengwe gape sa thuša *yola*, a re se rapedišeng sohle, amene, gore Modimo o tla no thuša batho ba Gagwe ba go ratega go fola le go thaba. Gobane, ga re ne botelele kudu go dula fa, feela matšatši

a se makae gomme re tseleng, re ile felotsoko gape. Kafao se re lekago go se dira ke go bophelo feela bonolo gannyane gore le be le nako ye kaone ge le sa le fa. Amene.

³⁷ Bjale godimo ga kgopolole ye, a re inamišeng dihlogo tša rena pele re bua Beibele, gomme re bolele le Mophološi wa rena wa go ratega.

³⁸ Wa rena yo botho, Tate wa Legodimong, re tla ka go kokobela bjalo mosong wo ka Bogoneng bja Gago, le go Go leboga ka godimo ga se sengwe le se sengwe seo se kilego sa ba lefaseng, goba se ka tsogego sa ba, bakeng sa Morena Jesu Kriste. Ka gore, O bile Yena Yo a tlišitšego motho le Modimo mmogo, le go boelanya rena ba go šokiša le go se swanelwe, bašelesa ba go hloka modimo, kgole le Modimo, ka—ka kgetho, ya renabeng, re tšere kgetho ya rena beng gomme re ile kgole le Yena. Gomme O bile go loka kudu go tla, gomme mola re be re sa kgahliše go Modimo, mola re be re sa le badiradibe, kgole le Modimo, O re boelantše morago go Tate, ka go tšollwa ga Madi a Gagwe Mong.

³⁹ Re Go leboga bjang bakeng sa Gagwe! Gomme lehono o ema bjalo ka Mmoelanyi, Yena a nnoši magareng ga Modimo le motho, Yo a kgonago go dira thapelo go tla ka Bogoneng bja Modimo, ka sefala sa Madi a Gagwe Mong ao A a tšholotše go tloga lefaseng go ya Letagong. Tla ka letšatšing le ka tsela ya ntlobobolokelo, a tswalwa ntle ka legopong. Tlogile lefaseng, ka kotlo ya lehu. Lefase ga se le Mo nyake. Legodimo be le sa kgone go Mo amogela, gobane O be a le modiradibe, O bile le dibe tša rena godimo ga Gagwe. Lefase ga se le Mo nyake. Ba Mo ganne, “Kgole ka Motho yo bjalo!” O bile ebile . . . ebile go se lefelo go tswalelw, goba lefelo go hwela. Gomme O lekeletše magareng ga Magodimo le lefase; Legodimo ga se le kgone go Mo amogela, goba lefase le ka se be le Yena. Gomme O hwile, golebjalo, go re phološa sebeng, go fodiša malwetši a rena, go re fa thabo le go dula ga go ratega ge re sa le fa mo lefaseng. A Mophološi! Oo, re Go leboga gakaakang bakeng sa Gagwe!

⁴⁰ O Modimo, a nke ditheto tša rena tše dingwe le tše dingwe tša pelo ya rena di tšhollelwe go Yena, gomme Yena a nnoši. Anke ditlhompho tše dingwe le tše dingwe le thapelo ye nngwe le ye nngwe, se sengwe le se sengwe seo se tšwago dipounameng goba dipelong tša rena, anke e beelwe go Yena Yo a swanetšwego ke tšohle, Yena Yo a dutšego godimo ga Terone letšatši le lengwe, le Puku ka seatleng sa Gagwe. Ga go motho ka Legodimong goba lefaseng a bilego le maswanedi goba go kgona ebile go lebelela Puku, goba go bofolla Mahuto ao a bilego le Yona e bofilwe. Gomme Kwana ye yeo e hlabilwego, motheong wa lefase, ya tla, e E tšere go tšwa seatleng sa Gagwe, butše Mahuto le go bofolla ma—ma Mantšu, go batho.

⁴¹ Gomme Tate, re a rapela lehono gore Moya wo Mokgethwawa Gagwe o tla lokolla dipelo tša rena go tšwa leswiswing lohle

la yona, lokolla leleme la rena go tloga go bobe bjohle, go swarela dibe tšohle tša rena, le go tloša leswiswi lohle, le go sepelela ka dipelong tša rena mosong wo.

⁴² Gomme gagologolo bana ba bannyane ba, Modimo, ba šegofatše ge ba dula fa mosong wo le mme wa bona wa go ratega. Modimo, re Go leboga gakaakang bakeng sa bomme, bakeng sa basadi ba kgonthe! Ka makgatheng a leswiswi le go rapela medingwana gohle go, le tšhila le tshenyego ya lefase, efela re ne ba kgonthe, bomme ba mmapale. Re Go leboga gakaakang bakeng sa bona! Bafsa le batala, bobedi go swana, re a Go leboga, Tate, bakeng sa bomme bja kgonthe. Gomme re a rapela, Modimo, gore O tla ba šegofatša.

⁴³ Go boneng, go duleng fa mosong wo, bontši bja banešu ba rena le dikgaetšedi ba apere dirosa tše tšhweu goba mekgabišo ye mešweu le matšoba, go bolela gore mme wa bona yo mokgethwa morategi o tsheletše mošola wa seširo, ka lehlakoreng le lengwe; a sa hwa, eupša a phela go iša neng le neng. Letšatši le lengwe ba tla tla, le bona, go theoga noka, gomme fao ba tla hwetša go mmona gape, ka lehlakoreng le lengwe. Ba bantši ba apere dirosa tše khubedu, mme o sa le fa. Re Go leboga bakeng sa seo.

⁴⁴ Rapela gore O tla re šegofatša mmogo ge re ithuta Lentšu la Gago, gobane re e kgopela Leineng la Kriste. Amene.

⁴⁵ Bjale Morena a le šegofatše. Gomme re thoma thwi go Lentšu mosong wo. Bjale, sa pele, pele ga terama ye nnyane ye, ke naganne bakeng sa bomme le digotlane tše dinnyane... Gomme ka kgonagalo ba tla nkwa, gobane selo se se ne segalontšu kudu. Gomme ke ya go fa terama ye nnyane, gobane ke be ke lemogile bjale ka ditirelong tša ka, dinako tše dingwe diterama di thuša bontši kudu. A ga le nagane bjalo? Baisa ba bannyane ba e kwešiša bokaone. Ke lebeletše ba bannyane ba se ba kae, bašemane ba mahlo a go phadima ba dutše, ba ntebeletše bjale, ba ba tla bago banna ba gosasa ge eba go ne gosasa.

⁴⁶ Gomme bjale pele re eba le terama e ka ba efe, goba e ka ba eng gape yeo e kgatlampango ka kerekeng, e swanetše go ba le bokamorago bja Beibele. Amene. E swanetše go ba bokamorago bja Beibele. Sa pele, a re phetleng go Mateo, tema ya 16 gomme temana ya 25, gomme re tla bala ditemana tše. Sa pele, ge re sa bala, go itokišetša, mohlomongwe ka nako yeo baisa ba bannyane ba tla be ba tšwile. Bjale Mateo 16:25, re bala se:

*Ka gobane mang le mang a tla phološago bophelo bja
gagwe o tla lahlegelwa ke bjona: gomme mang le mang
a lahlegelwago ke bophelo bja gagwe bakeng sa ka o tla
bo hwetša.*

⁴⁷ Bjale, le ke Lengwalo le bohlokwa kudu. Anke bohle re bale leo mmogo. Le reng? Yo mongwe le yo mongwe, bana ba bannyane le bohle, mmogo bjale. [Ngwanešu Branham le phuthego ba bala Lengwalo le le latelago mmogo—Mor.]

Ka gobane mang le mang a tla phološago bophelo bja gagwe o tla lahlegelwa ke bjona: gomme mang le mang a lahlegelwago ke bophelo bja gagwe bakeng sa ka o tla bo hwetša.

⁴⁸ Le a tseba, bašemane le basetsana, gomme ke a tseba ba bagolwane ba tla ipshina ka se feels go swana boka bana ba tla dira. Eupša, Lengwalo lela le bohlokwa kudu! Gomme Mangwalo a mangwe a bohlokwa kudu gore Modimo o le bea ka go Diebangedi tšohle tše nne: Mateo, Mareka, Luka, le Johane. Eupša, le le bohlokwa kudu go fihla A le bea makga a tshela ka go Ebangedi! Makga a tshela le le tšwa dipounameng tša Gagwe Mong, Jesu.

⁴⁹ Bjale godimo ka go Mareka, re tla phetla godimo fale, go tema ya 8 ya Mareka, le go thoma ka temana ya 34, gomme ke tla bala tše dingwe fale. Gomme ke nyaka le lemoge fa gape, le feels tšwetšopele ye nnyane ya se moo Jesu a e boletšego. Gomme elelwang, O e beile makga a tshela ka go Ebangedi, kafao e tla ba kgonthel! Ba babedi ke hlatse, eupša O e beile makga a mararo gore, le a bona, gore e be kgonthel gore le a e elelwa.

Gomme ge a bile—ge a bile bjalo o bileditše batho go yena le barutiwa ba gagwe le bona, o rile go bona, Mang le mang a tla ntatelago, anke a ikgane yenamong, . . . a tšeef sefapano sa gagwe, gomme a ntatele.

⁵⁰ Bjale, yo mongwe wa bafetoledi o beile, “Tšeef sefapano sa gagwe gomme a Ntatele tšatši ka tšatši.” Bjale, bjale temana ya 35. Theetšang:

Ka gobane mang le mang a tla phološago bophelo bja gagwe o tla lahlegelwa ke bjona; eupša mang le mang a lahlegelwago ke bophelo bja gagwe bakeng sa ka le sa ebangedi, wa go swana o tla bo phološa.

Gobane go tla hola motho eng, ge a ka hwetša lefase ka moka, gomme a lahlegelwa ke soulo ya gagwe mong?

Goba motho a ka fa eng go rekolla soulo ya gagwe?

⁵¹ Bjale a re tšeeng temana ye ya 35 gomme re e tsopole mmogo bjale. Go lokile. Bjale a re e boleleng mmogo. Re ya go tšeef Mareka 8:16, bjale a re e boleleng mmogo; Mareka 8:16, ntshwareleng, Mareka 8:16, 35. Aowa, ke e fošitše golebjalo. Mareka 8, tshwarelo. Mareka, Mokgethwu Mareka, tema ya 8, temana ya 35. Bjale a re e lekeng. Mokgethwu Mareka, tema ya 8, temana ya 35. Bjale re e hweditše. A re e baleng. [Ngwanešu Branham le phuthego ba bala Lengwalo le le latelago mmogo—Mor.]

Ka gobane mang le mang a tla phološago bophelo bja gagwe o tla lahlegelwa ke bjona; eupša mang le mang a lahlegelwago ke bophelo bja gagwe bakeng sa ka le sa ebangedi, . . . o tla bo phološa.

⁵² Seo se a kgahliša? Bjale, re tla tsena thwi pele ka kanegelo ya rena ye nnyane, gomme ge digotlane di etla di tla tšeа madulo a bona. Diašara ba šetšeng ge ba etla, ka setu... le bone ge eba le ka ba tliša ka fa, ge re tšeа le go fa kanegelo ya rena. Re ya go thea ye, mosong wo, go terama. Gomme nna, boati bja nako, fa matšatši a se makae a go feta...

⁵³ Ngwanešu le Kgaetšedi Wood ba be ba ne nna, ke a dumela, godimo fale go kopano ya mafelelo, gomme ke be ke bolela go Difihlolo tša Banna Ba Kgwebo Ba Bakriste. Gomme ke file terama ye nnyane ka Sakeo ka... godimo ka mohlareng wa mogo, gomme, ge Jesu a batametše, le ka fao a hweditšego motomo wa ditlakala, le a tseba (gomme ke e dirile terama), gomme a ile godimo mohlareng, go bona Jesu; rakgwebo a dutše godimo ka mohlareng, le a tseba, a iphihletše Jesu. Gomme Jesu o be a sa tsebe fao a lego, o ka re, le a tseba. Gomme morago o rile, "Oo, ba mpotša Monna yola o tseba dilo gomme o kgona go bolelela dilo pele, le go tseba moo hlapi e bilego le khoine. Ga ke dumele." Gomme Jesu o sepeletše thwi ka tlase ga mohlare. Gomme o rile, "Oo, A ka se mpone, ke dutše godimo mohlareng."

⁵⁴ Jesu o eme le go lebelela godimo, gomme o rile, "Sakeo, fologa." A se tsebe feela o be a le godimo fale, eupša O tsebile o be a le mang.

⁵⁵ Kafao ke nagana terama ye nnyane nako ye nngwe e thuša batho ba bagolo, bašemane le basetsana ba bagolo, go swana le bafsa.

⁵⁶ Kafao bjale le ka mpotšiša, morago ga ge ye e fedile, "Ngwanešu Branham, o hwetša kae tshedimošo ye ya baraloki ba le maina?" Ba bangwe ba bona, ke thušitšwe ke mogwera wa ka wa go loka, Ngwanešu Booth-Clibborn. Gomme yo mongwe, ke Josephus, rahistori yo mogolo. Gomme morago dipuku go histori yeo ke e badilego, ya tiragalo ye, le go ya pele. Gomme ke ka fao ke hwetšago tshedimošo go tšwa go se re yago go se fa ka terama mosong wo, bakeng sa ye.

⁵⁷ Ke bona ba bannyane ba tšwela ntle bjale, gomme bakeng sa kanegelo ye yeo re yago go e fa. Bjale lena bašemane le basetsana ba bannyane, ge le nyaka, ba bantsi ka mo le nyakago, etlang thwi godimo fa ka pele. Re ne dituloo tše tlhano goba tše tshela di sa dulewago. Ge le ka rata go tla thwi godimo fa, re tla thakgala go ba le lena. Ba sa no tsena mo nakong bakeng sa terama ye nnyane ntle fa.

⁵⁸ Gomme bjale ke ka fao ke tlago go tshedimošo ye, ka fao ke e hwetšago. Yo mongwe a ka topa go dikologa gomme a re, "Gabotse, ga se ke tsoge ka bala karolo yeo ka Beibeleng." Eupša, ge eba o sa nka, histori e e topile, o a bona. Kafao yohle ke kanegelo ya go swana, ke feela e no fiwa ka go se—se—se sebopego se sennyane sa terama.

⁵⁹ Gomme, kafao, yeo ke yona! Yeo ke yona! Yoo ngwaneno yo monnyane? Oo, kgonthe o bogega go swana le wena! Gomme ke mošemane yo mokaone. O ka no bolela o bjalo. Go lokile.

⁶⁰ Gomme ge eba o nyaka go tla godimo fa le go dula fase fa? Go ne basetsana ba bannyane ba babedi, goba basetsana ba bannyane ba bararo. Nna, seo e no ba go loka le go kgahliša! Bjale ke nyaka . . . Kanegelo ye nnyane ye mosong wo e bakeng sa basetsana le bašemane ba bannyane ba. Mohumagatšana Collins, ke a dumela ke wena fa, le kgaetšedi yo mongwe yo monnyane; o nyaka go ya thwi godimo fale, hani, le go dula fase. Ya, ke a dumela go ne lefelo fa, ge mohumagadi a ka—a ka tloša pukumoraba ya gagwe. Gomme—gomme gona thwi godimo *fa* go ne ditulo tše mmalwa godimo fa.

⁶¹ Ke nyaka bašemane le basetsana bohole ba bannyane ba godimo *fa* ka pele, gore ke bolele le bona. Fa, fa re ne ditulo tše dingwe fa. Re no bona gore le hwetša ditulo tše dingwe. Ee, mohlomphegi. Ba bangwe ba bona ba tla re thuša thwi fa. Kafao, re nyaka se go ba feela go bašemane le basetsana bale ba bannyane. Oo, nna! A seo ga se kaone? Bjale yeo ke . . . Ke dumela le tla swanelo go ba le di se kae gape, Ngwanešu Neville, ke bona ba mmalwa ba bangwe ba theoga. Gomme bjale seo se no ba kaone!

⁶² Ke bomme ba ba kae ba lego fa? Phagamiša seatla sa gago. Oo, go a kgahliša! Bjale, seo se no loka le go kgahliša.

⁶³ Bjale ge aba lena basetsana ba bannyane ka morago le nyaka go rotogela fa, etlang thwi pele, ge eba o godile go lekanelo go ba kgole le mama. Gomme mama o nyaka go go tliša godimo fa, gabotse, mmotše go tla thwi pele. Ke bakeng sa mama, le yena. Go lokile, bjale.

⁶⁴ Ke a le botša, bana ba bannyane, re sa tšo bala temana. A lena bohole le ka rata go e tsopola le nna? A lena bohole le rata go tsopola temana ye le nna? Bjale, e hwetša ka go Mokgethwa Mateo, tema ya 16 gomme temana ya 25, se re yago go bolela ka sona. Bjale ba bannyane ba . . . Mošemane le mosetsana yo mongwe le yo mongwe yo monnyane, mosong wo, tsopola le nna bjale: [Bašemane le basetsana ba bušeletša ka morago ga Ngwanešu Branham—Mor.] Ereng, “Mokgethwa Mateo, tema ya 16, temana ya 25.” Bjale le tsopola le nna: “Ka gobane mang le mang a phološago bophelo bja gagwe o tla lahlegelwa ke bjona; gomme mang le mang a tla lahlegelwago ke bophelo bja gagwe bakeng sa Ka o tla bo phološa.” Tla bo phološa. A re e boleleng gape: “Mang le mang a tla lahlegelwago ke bophelo bja gagwe bakeng sa Ka o tla bo phološa.” Go a kgahliša!

⁶⁵ Bjale, bašemane le basetsana, le a tseba ke eng? Go ne dilo tše dintši ka lefaseng tše di hlokagalago ka kgonthe. Gomme ye nngwe ya dilo tše ke, o ne yona lehono, ke soulo yeo e lego ka gare ga mmele woo. Gomme seo ke selo sa go hlokagala kudu

ka lefaseng, go wena. A seo ke nneta, mme? E reng, “Amene.” [Bomme ba re, “Amene.”—Mor.] Selo sa go hlokagala kudu o nago sona ke soulo ya gago. Gomme bjale ge o boloka soulo ya gago, gona o ya go lahlegelwa ke yona. Gomme ge o lahlegelwa ke soulo ya gago, gona o ya go e phološa; ge o lahlegelwa ke soulo ya gago go Jesu, le a bona. Ka mantšu a mangwe, ge o dumela go Jesu, o ba morutwana wa Gagwe. Gomme gona ge o neela bophelo bja gago go Jesu ge o le yo mofsa ka mokgwa wo, gomme gona o ya go... O ya go e pholosetša Bophelong bjo bosafele. Eupša ge o—ge o nyaka go e boloka, o ya go lahlegelwa ke yona; ya, o tla lahlegelwa. O nyaka go itshwara boka basetsana le bašemane ba bangwe ba tikologong fa, le go ya ntle le go dira boka ba dira, gona o ya—o—o ya go lahlegelwa ke yona. Eupša ge o nyaka go neela bophelo bja gago go Jesu, gona o ya go bo pholosetša Bokagosafele. le neng le neng.

⁶⁶ Bjale, o elelwé seo bjale, gore ke selo sa go hlokagala kudu ka lefaseng lohle, ke soulo ya gago ye nnyane. Gomme ge o e boloka, o tla lahlegelwa ke yona; ge o e neela go Jesu, o a e phološa. A le ka bolela se le nna? Ge... [Bašemane le basetsana ba bušeletša ka Morago ga Ngwanešu Branham—Mor.] E re, “Ge ke e boloka, ke lahlegelwa ke yona; gomme ge ke e neela go Jesu, ke tla e phološa.” Yeo ke yona! Bjale le e swere. A yeo ga se...

⁶⁷ Bomme bohole ba nagana seo se be se lokile, e reng, “Amene.” [Bomme ba re, “Amene!”—Mor.] Oo, seo se kaone! Seo se lokile.

⁶⁸ Bjale, le a bona, go ne selo se tee o ka se dirago. Bjale, eya pele. Ge eba o nyaka go itshwara boka yona, le go ba le nyako ya lefase ya bona... Ge bašemane le basetsana ba nyaka go ya ntle fale le go dira dilo, le go bolela dikanegelo le go bolela dilo tše di fošagetšego, le—le go radia le go utswa, le—le go dira dilo gampe, le go kopisa ka sekolong, le dilo, go ya pele; ba a lahlegelwa. Ba lahlegelwa ke yona. Eupša ge le ka e neela go Jesu, ba ka se dire seo, gomme gona go tla e boloka. Ke seo le nyakago go se dira. A ga se yona?

⁶⁹ Bjale re ya go thoma ka kanagelong ya rena ye nnyane. Bjale, bjoo ke bokamorago bja rena, bjale le elelweng seo. Bjale a re thomeng kanegelo ya rena ye nnyane. Bjale, batho ba bagolo, le go bo—bo botate le bomme, theeletšang, le lena, bjale; lena, gagologolo bomme le bopapa. Bjale feela... gomme re tla thoma. Le rata dikanegelo tše dinnyane? A le a dira? Oo, ke no di rata! Gagologolo bjale... Le bala dikanegelo tše ntši di sa rerešego. Eupša kanegelo ye ke therešo, Therešo ka go felela, Lentšu le lengwe le le lengwe la yona. E ka go Beibebe ya Modimo, kafao e swanetše go ba Therešo, le a bona, gobane Ke Lentšu la Modimo. Lentšu la Modimo ke Therešo.

⁷⁰ “Bjale, le a tseba,” o rile, “Ke lapile kudu. Ke—ke—ke lapile go lekanela go hwa.”

⁷¹ “Gabotse,” o rile, “gobaneng o sa ye lebatong la ka godimo le go ya malaong? Lala fase khoteng, sofeng godimo fao, gomme o ye malaong.”

⁷² O rile, “Eupša, oo, ke lapile kudu.” O rile, “Oo, hani, ge nkabe o bone se ke se bonego lehono! Oo, ke...ke, eng...Ebile ga ke nyake dilalelo e ka ba sefe! Oo, go a šiiša, pono ye ke e bonego lehono!”

O rile, “Gabotse, ke eng o e bonego?”

⁷³ O rile, “Gabotse, nka se kgone go go botša, pele ga bana, oo, go šiiša kudu! Nna, go be go befile!”

“Gabotse, e be e le eng se o se bonego?”

⁷⁴ “Gabotse, ke ya lebatong la godimo le go patlama feela nakwana ye nnyane, gomme gona—gomme gona morago ga selalelo ge re beile digotlane malaong, gona ke tla go botša se se diregilego lehono.”

“Go lokile,” o boletše.

⁷⁵ Gomme o ile lebatong la ka godimo. O patlame. “Oo, ke lapile kudu! Oo, nna!” Le tseba ka moo papa a lego ge a lapile, feela go lapa ka kgonthe!

⁷⁶ Gomme morago ga nakwana, mosetsana yo monnyane wa mahlo a go phadima, o thomile go kitima gohle mo lebatong, le go bolela godimo gannyane. O rile, “Sš-sš-sš-sš-sš-sš, se dire seo. O tla tsoša papa. Gomme, oo, o lepile ka thata go fihla a—a nyakile go hwa. O be a se sa nyaka go phela gape. Gomme ge papa a lapa bjalo, gabotse, re swanetše go mo lesa a robale nakwana gannyane. Se mo phafoše.” Gomme Miriama yo monnyane, o ya godimo le go dula fase, go homola ka kgonthe.

⁷⁷ Gomme morago ga nakwana o bile le selalelo sohle se lokišitšwe, kafao o ngwegetše lebatong la godimo gomme o—o mmiditše, “Amorama?”

⁷⁸ Gomme o rile, “Ee, Jogebeda, fa. Ke tla fase.” Kafao ba tla fase ga ditepisi, le a tseba, gomme ba bile le dilalelo tše bose.

⁷⁹ Kafao morago ga ge ba jele dilalelo, gomme mošemane le mosetsana yo monnyane—yo monnyane ba jele dilalelo tšohle tša bona, gobaneng, ba...mme o bolokile dilo gomme o ba potokile malaong.

⁸⁰ Gomme o ya ka kamoreng, yena le monnamogatša wa gagwe, gomme ba dula fase. O rile, “Gabotse, bjale, ke eng sela o se bonego lehono, Amorama, seo se go nyamišitšego bjalo—bjalo bosegong bjo, gore ebile ga se o nyake go phela?”

⁸¹ “Oo,” o rile, “moratiwa, ke—ke no se kgone go e kwešiša.” O rile, “Ke bone... Gabotse, re e bona letšatši le lengwe le lengwe, eupša lehono go bile gagologolo.” O rile, “Oo, ke—ke pono ya go šiiša kudu nkilego ka ke ka e bona.” O rile, “Bašemane ba rena ba go šokiša, ba bangwe ba bona ebile

ga ba bogolo bja mengwaga ye lesomepedi, ba goga karikana yela ya kgale ye kgolo, ka diropo go raretša melala ya bona ka mokgwa *wo*. Gomme digotlane tšela tša go šokiša di gogile go fihla di se sa kgona go goga, go rotoga morotoga wola wo mogolo botona, matlapa ale a magolo morago fale, gomme ga se ba kgone go ya pele. Gomme morago ga nakwana karikana e thoma go kgohlana gomme e sepela ka go nanya ka kgonthe, gomme ka morago ga nakwana e eme. Go theoga tsela go tla monna, oo, o be a le setsenwa! O roretše ntle, ‘Gobaneng le emiša karikana ye?’ ‘Thwa!’ ka difepi tšela tše kgolo tša kgale tša noga, le go se hwiphinya go kgabola mokokotlo, gomme madi a tšwa mokokotlong wa bona, gomme a kitima ka mokgwa *woo*. Gomme digotlane tšela tša go šokiša di no lekelela go ropo ye gomme tša lla.” O rile, “Oo, Jogebeda! Ke eng re ka go e dira, mme?” O rile, “Re batho ba Modimo. Modimo o re šegofaditše. Re bana ba Abraham, Isaka, le Jakobo. Gomme gobaneng re swanetše go ba makgoba tlase fa go dilo tše? Oo, go a šiiša ka fao bašemane bale ba go šokiša ba llilego. Oo, gomme ke a rapela le go rapela le go rapela, Jogebeda, gomme go bonala eke gore Modimo o no se tsoge a nkwa. Ke a rapela gomme ke a rapela, gomme O bonala boka ga A theeletše, ga A nkwe le gannyane. O bonala eke ga A sa iša felo.”

⁸² “Bjale,” o rile, “lebelela, Amorama, seo ga se kwagale bjalo ka wena. O papa wa kgonthe, gomme o . . . Seo ga se kwagale boka wena, gobane ka mehla o a re tutuetša, go re botša go ba le tumelo go Modimo.”

⁸³ “Oo, eupša, morategi, ge ke rapela kudu bjalo, gomme go sa le Modimo ga a nkwe, gomme go bonala eke go no befa nako yohle. Bontši ge ke rapela, go ba go befa.”

⁸⁴ Eupša, bašemane le basetsana ba bannyan, a Modimo o araba thapelo? [Bašemane le basetsana ba re, “Ee.”—Mor.] O kwa thapelo. A Modimo o araba thapelo? [“Ee.”] Ya. A O araba ka pela? E sego nako tšohle. A O a dira? Aowa. Dinako tše dingwe O re dira re lete. A yeo ke nnene? [“Ee.”] Eupša, Modimo o araba thapelo, a ga A dire? Gomme feela gobane se sengwe le se sengwe se fošagetše, seo ga se leswao re swanetše go tlogela go rapela. Re no rapela pele, golebjalo, a ga re? Yeo ke nnene. Bjale, le arabile gabotse. Modimo o araba thapelo. A re e boleleng mmogo. “Modimo o araba thapelo.” Ee. Ga go tshwenyege ke maemo afe, O a araba, golebjalo. Go lokile.

“Gabotse, a o rotoga go yo rapela gape?”

⁸⁵ “Ee.” Gomme papa o bile le kamora ya sephiri godimodimo ka borulelong moo a ilego go rapela. Kafao o fihla godimo fale bošegong bjoo, o kwatama fa mo kgauswi, o rile . . . Bjale o rile, “Jogebeda, bjale eya pele gomme o ye malaong, gomme wena le digotlane. Gobane, le se ntshwenye, ke ya go rapela mohlomongwe bošego bjhole bošegong bjo.”

⁸⁶ Kafao o kwatama ka dikhuru tša gagwe, gomme o a rapela gomme o a rapela. Ke mmona a phagamiša diatla tša gagwe, gomme o re, “O Modimo wa Abraham, Isaka, le wa Jakobo, gopola tshepišo ya Gago go batho ba Gago! Ke rena ba tlasetlase fa ka Egepeta, gomme re ka tlase ga bokgoba. Gomme, oo, bagapeletši ba rena ba sehlogo ba—ba a re otlela go dira dilo, le go re betha gohole, gomme batho ba gaborena ba go šokiša ba—ba hlobolwa letasa, gomme ba re hwiphinya ka difepi. Gomme re batho ba Gago. O Modimo, ka kgonth O tla kwa thapelo! Ka kgonth O tla araba thapelo! Gomme ke a rapela gomme ke a rapela gomme ke a rapela, gomme O bonala boka ebile ga O nkarabe. Eupša, Modimo, ke a dumela gore O Modimo, gomme mafelelong O tla araba thapelo.” Gomme o rapetše pele ka mokgwa woo, go nyakile bošego bjohle.

⁸⁷ Gomme mosong wa go latela, e ka ba iri ya boraro goba ya bone, o theoga ditepisi tse dinnyane. Gomme o lebelela godimo fale, gomme fale go be go le mosadimogatša wa gagwe yo monnyane wa go ratega, Jogebeda yo monnyane. O be a le fale malaong a robetše. Gomme Arone yo monnyane le Miriamo yo monnyane ba be šetše ba potokilwe malaong, kafao ba be ba no ba go robala ka moo ba kgonnégo go ba, gomme ba robetše. Go lokile. O re go yena . . . O rile, “Go ba thari, gomme o no ba . . .”

⁸⁸ “Ya, ke rapetše bošego bjohle.” Mahlo a gagwe a be a kgamathetše ka megokgo, gobane o llile bakeng sa batho.

⁸⁹ Gomme o rile, “Lebelela, Amorama, ga wa swanela go ya ka thata kudu go yona.”

⁹⁰ “Bjale,” o rile, “theetsa, morategi. Ke mo gobotse. Eupša bjale lebelela, o ne digitlane tše pedi go di godiša fa. Gomme morwalo ke wa ka. Ge yo mongwe a sa rapediše batho ba rena ba go šokiša, go tla ba eng ka bona? Go ya go direga eng ge yo mongwe a se ne batho ka pelong ya gagwe? Yo mongwe o swanetše go rapela.”

“Gobotse,” o re, “Amorama, morwalo ga se wa gago ohle.”

⁹¹ “Gobotse, go bona go ba. Gomme golebjalo, ke tla rapela, golebjalo, nako yohle!”

⁹² O ya mošomong letšatšing leo. Gomme tšatši le lengwe le le lengwe o a tla le go sepela, gomme selomodiro sa go swana sa kgale. Gomme o bile le mošomo wo boima. O be a swanetše go . . . Ba tšetše taka ka go diforomo tše kgolo, gomme o be a swanetše go ema kgauswi ga sebešeletši sela se segolo. Ge ba be ba se bula, oo, nna, se nyakile ebile se tlabola letlalo la gagwe, phišo yela ya go šiiša! O be a tla kgoromeletša ditena tšela morago ka fale le go di paka, go di ntšetša ntle; go aga ditsela tše kgolokgolo, le ditora tše telele tše kgolokgolo, medimo ya diswantšho le se sengwe le se sengwe. Gomme monna yo wa Mokriste wa kgonth tlase fale a šoma ka mokgwa woo, bakeng sa lenaba. Eupša o be a le lekgoba, o be a le bokgobeng. O be a swanetše go e dira.

⁹³ Bošego bjo bongwe le bjo bongwe ge a be a etla gae, o be a tla rapela. Gomme a rotoga ditepisi gape, gomme a rapela le go rapela le go rapela, gomme a bowa morago tlase. Gwa se kaonafale; go ile pele go befa.

⁹⁴ Gomme letšatši le lengwe godimo mošomong o kwele mabarebare. O rile, “Ke eng seo? Ke eng seo? Mpotše!” Yo mongwe o sebetše yo mongwe. Morago ga nakwana, pele le tšatši le sobela, e be e le gohlegohle nageng ka moka, se se bego se yo direga.

⁹⁵ E be e le eng? Khansele e be e eya go kopana bošegong bjoo. Kgoši Farao wa kgale, kgoši ya kgale ye šoro e be e eya go bitša batho ba gagwe bohole mmogo, gomme ba be le khansele ye nngwe ye kgolo. Kafao ba bile le kopano ya khansele ye kgolo tlase fale.

⁹⁶ Kafao bošegong bjoo o tsene, oo, o be gohle a nyamile. O ya ka gare, gomme mosadimogatša wa gagwe o re, “Amorama, morategi,” o mo gahlaneditše mojako gomme o mo atlile, gomme o rile, “Ke ne dilalelo tša gago gabotse le go ruthela ka kgonthe. Eupša,” o rile, “morategi, o bonala go sehlefala. Bothata ke eng?”

⁹⁷ O rile, “Oo, Jogebeda, ge nkabe feela o tsebile se se diregago! Oo, go befile go feta go kile!”

“Eng?”

⁹⁸ “Šš-šš, nka se e bolele, bana ba gona. Leta go fihla ka morago ga dilalelo, gomme ke tla go botša ka yona.”

“Okhei.”

⁹⁹ Kafao, o lokišitše dilalelo. Gomme o tlišitše dilalelo, gomme o tšere digotlane tšohle gomme o di beile malaong.

¹⁰⁰ Kafao, ba tsene. O rile, “Jogebeda, ke nyaka go go botša se sengwe.” O rile, “Se sengwe sa dilo tša go šiiša kudu se a direga.”

“Eng?”

¹⁰¹ O rile, “Ba ya go ba le khansele ye nngwe lehono, bošegong bjo. Gomme ge ba dira, ba ya go bea morwalo tsoko o mongwe go rena batho.”

¹⁰² Kafao, gona, a re yeng godimo paleising ya kgoši. Kgoši Farao o ba tliša bohole ntle fale, gomme o rile, “Go lokile, lena bohole dijenerale! Bothata ke eng ka lena go dikologa fa? Ke file ditaelo tša ka go dikologa fa! Batho ba ba a ata nako yohle! Bothata ke eng? A re ka se thibele se?” O rile, “Letšatši le lengwe go tla tla madira a mangwe ka fa. Gomme bohole manaba a rena a, go tšwa ka Gosene godimo fale, Baisraele ba, ba tla tšoina bonabeng le madira a, gomme ba tla re fenya. Gomme ekonomi ya rena ye kgolo e tla šwalalanywa, mmušo wa rena wo mogolo o tla senywa. Ba tla re tše. Bothata ke eng ka lena? Bolela, yo mongwe! A ga le tsebe se sengwe go se bolela?” Oo, o be a befetšwe, gomme a befetšwe kudu. Dijenerale tšohle, di thothomela.

Yo mongwe wa bona o phagamile, gomme o rile, “Kgoši Farao a phele galelele.”

“Gabotse, bolela se o yago go se bolela!”

¹⁰³ O rile, “Kgoši a phele galelele. Yo a hlomphegago, mohlomphegi,” o rile, “Ke tla kganyoga gore o tla bea merwalo ye mentši godimo ga batho.”

¹⁰⁴ “Sešilapuleng tena! O šetše o beile bontši bja morwalo go batho, gomme efela ba a ata. Gobaneng, wena, ge eba ke dikgopololo tšohle o nago, nno ipolokela yona wenamong!” Oo, o be a le makgwakgwa.

¹⁰⁵ Morago ga nakwana yo mongwe o phagamile, myemyelo ye kgolokgolo sefahlegong sa gagwe, boka diabolo. Gomme o rile, “Kgoši Farao a phele galelele.” O rile, “Ke ne kgopololo.”

O rile, “Gabotse, bolela! Se eme fao ka mokgwa woo!”

¹⁰⁶ O rile, “Ke tla go botša re ka dira eng.” O rile, “O a tseba, batho ba ba ata ka lebelo.”

¹⁰⁷ “Ee, yeo ke nnete!” O rile, “Ba bangwe ba bona, ba bangwe ba batho ba bona ebile ba ne bana bantši bjalo ka lesomenne, dinako tše dingwe ba ne bana ba masomepedi. Gomme batho ba renalga ba ne mohlomongwe o tee.” O rile, “Ba ata ka lebelo, ba no khupetša naga ka moka.”

¹⁰⁸ Le a bona, Modimo o be a dira se sengwe. Le a bona, Modimo ka mehla o tliša botlaela mahlong a diabolo, le a bona. Le a bona? O tseba se A se dirago. Le a bona? Gomme basadi bohle ba ba no ba le bana ba bantši.

¹⁰⁹ “Gobaneng,” o rile, “kgosi a phele galelele. Gabotse, ke go botše eng. Nako ye nngwe le ye nngwe mosadi a belega lesea le lennyane la mošemane... Eya ntłe ka nageng fa gomme o hwetše basadi ba ba se... bao ba sego bomme. Le a bona, basadi ba ba sa nkago ba ba le bana, basadi ba ba sa nyakego bana gomme ba sa ratego bana, baloi ba kgale ba nko tše telele. Le a bona, nko ye teletšana, bokaone! Menwana ya kgale ye meteletele, difahlego tša go pentwa, gomme o ba hwetše. Ga ba tsebe se lerato la mme e lego. Kafao gona ge mošemane yo monnyane a belegwa, gobaneng, anke ba ye gomme ba tšeese lesea leo le lennyane la mošemane, gomme ba le tliša ka ntłe fa gomme ba bjatlaganye hlogo ya gagwe le leboto, ba le lahlele morago ka ntłong go mme ka mokgwa woo. Mo lahlele tlase ka bodibeng bjo bogolo. Oo, bokaone go phala seo, mo tšeese ntłe gomme o bofe diatla le maoto a gagwe, gomme o mo fošetše ntłe, gomme o nontšhe dikwena. Ke ka tsela yeo go e fediša. Gona ba ka se ata gantsi kudu, gobane go ka se be le banna ba šetšego; bolaile masea ohle a bašemane ba bannyane.”

¹¹⁰ “Oo,” Farao o re, “yeo e lokile! Yeo ke kgopololo ye botse!” Le bona se diabolo a lego? O šoro, a ga a? O rile, “Kafao seo ke selo go se dira! Eya o hwetše... O ne... Bjale, go beng gore o bile le

kgopololo, ke tla no go dira mookamedi wa yona. O ya ntle gomme o hwetša bakgekololo bohole bao o ba tsebago, bao—bao ba sa nkago ba ba bomme, gomme ga ba rate bana. Gomme ba . . .” Ba . . .

¹¹¹ Le a bona, go tšea mme go rata ngwana. O elelwa ka fao mme a go ratilego? Gabotse, bjale bona, mme o rata masea a mannyane.

¹¹² Eupša ba be ba swanetše go hwetša yo mongwe yoo—yoo a sa . . . yoo a sa bago le bana, a sa nyakago bana, feela—feela—feela mosadi wa sejato. Gomme o rile, “Ba dire maphodisa. Gomme ge o ba dira maphodisa, gomme o ba fe ditaelo gore ba kgone go tsena ka ntlong e ka ba efe ba nyakago, le go tšea lesea le lengwe le le lengwe le lennyane gomme ba bjamtaganye hlogo ya lona le leboto, gomme a le fe dikwena go ja. Lesea le lengwe le le lengwe le lennyane!” Oo, go sehlogo bjang! Gona le tseba se ba se dirilego?

“Go lokile, yeo e lokile!”

¹¹³ Gona letšatšing le le latelago ge Amorama a be a le tlase fale a šoma, o kwele gore taba e dirilwe.

¹¹⁴ Oo, o ya gae. O rile, “Oo, Jogebeda! Oo, moratiwa, anke ke go botše se sengwe. O a tseba se taelo e bego e le, e ntšhitšwego? Go bolaya masea ohle a mannyane a bašemane.” Gomme o mmuditše. O rile, “Oo, ke no se kgone go e emela.” O ile lebatong la godimo gape, go rapela. Bošegong bjoo o rapetše go se swane le ge a kile pele.

¹¹⁵ A re swanetše go ya pele go rapela? Oo, rapela go pele! A yeo ke mnnete? Nno iša pele go rapela, ga go tshwenye ke eng e kgatlampanganago. Tšwelapele o rapela!

¹¹⁶ Bjale, gomme selo sa pele le a tseba, o rapetše bošego bjhole, “O Modimo, gaojela! Thuša, Modimo! Re rapela gore O tla re thuša ka tsela e rilego.” Morago fase o a tla, e ka ba ka masa.

¹¹⁷ Letšatši morago ga letšatši, gomme, oo, a go ngautša go dikologa naga! Letšatši le lengwe le le lengwe ba be ba tla kwa bomme ba golola, godimo le fase mekgotheng. Ba be ba tla tšea masea a bona a mannyane go tšwa matsogong a bona, ba bona ba bannyane, masea a go bogega a mannyane a bašemane. Baloi bale ba kgale ba tla tsena ka fale gomme, ba tšea maotwana a bona a mannyane, gomme ba ba gitlaganya lebotong le go ba bolaya, le go ba lahlela ka go dikwena. Mme wa go šokiša o tla ya matolong a gagwe, gomme o tla lla, “Oo, se tšeeng lesea la ka! Se tšeeng lesea la ka!” Gomme, oo, a nako ba bego ba ne yona!

¹¹⁸ Le tseba ka fao mme a ratago lesea le lennyane, le ka fao a le tsikiditlago seledung. Elelwa ka moo mme a tla go tšeago le—le go go hlapiša, le go go atla, gomme—gomme—gomme a tla bolelago ka fao o bego o le botsana. Le ka fao a go beilego malaong bošego. Gomme, oo, ge—ge o ka . . . mojako wo monnyane o tla bulwa, phefšana ye nnyane e tsena ka gare, se

sengwe boka seo, oo, nna, o tla kitima ka bjako ka kgonthe le go tswalela mojako, a khupetša lesea le lennyane, gomme, le a tseba, o le tšere. O go ratile. Le a bona? O go ratile. Oo, o ratile selo sela se sennyane sa go šokiša seo Modimo a mo filego, seo se bego se sa kgone selo gomme ga se se kgone go ithuša sonamong, kafao o ratile lesea lela le lennyane. Gomme o nno atla masea a gagwe a mannyane le go raloka le bona, gobane o be a le mme wa kgonthe. Le a bona?

¹¹⁹ Eupša bakgekolo ba bao ba bolailego masea, ga se ba tseba se lerato la bomme e lego sona. Ba be ba se bomme. Sohle ba nagannego ka sona, ba nno ba le nako ye kgolo ka monaganong wa bona, dilo tša lefase, kafao ba be ba tla tsena le go bolaya masea ale a mannyane. Le ba bafsa kudu go tseba, eupša go sa kgatlapana. Yeo ke nneta. Bjale lena ba bagolo le tseba se ke bolelagoo ka sona. Yeo ke nneta, ye ntši ya yona! “Oo,” o re, “nka se tšee . . .” Eupša taba ya go rapolotša ke selo sa go swana. Go lokile, eupša le a bona ga ba tsebe se lerato la mme e lego. Bjale le tseba se ke se rago ge ke re “bomme ba kgonthe”! Yeo ke nneta. Ga go phapano; diabolo wa go swana! Kafao fale, gona, ba . . . Nno naganang ka makga a dikete makga a dikete makga a dikete, ka ngwaga, gampe boka go bile ka Egepeta, goba go befa.

¹²⁰ Gomme fale, nako yela, ba a tsena, ga se ba be le lerato la bomme, kafao ba be ba tla tšea masea a mannyane a le go ba bolaya. Oo, go ile pele go befa le go befa. Gomme letšatši le lengwe go tlie mabarebare a mangwe, ba ya go ba le kopano ye nngwe.

¹²¹ Farao o biditše baeletši bohole ba gagwe mmogo, bona, bohole ba bona mmogo, ba fihlile fale: o rile, “Go lokile, ba sa ata! Re tla dira eng ka yona bjale?”

¹²² Yo wa go swana wa kgale wa mahlajana, mothaka wa moretše wa sefahlego sa diabolo, o phagamile. O rile, “Kgoši Farao a phele galelele. Ke ne kgopoloo. Lebelelang, le ne monna a šoma. Le ba dira ba be le palo ya ditena, bokaalo ka letšatši, le ba dira ba di dire ka makobe. Le bolaile ba—ba bana ba bannyane le dilo, eupša ba sa ata. Selo le swanetšego go se dira, ke go bea basadi go šoma, le bona. Ge le ka bea basadi go šoma, gona ba ka se . . .” Bjale, leo ga se lefelo la mosadi. Aowa. Kafao ba rile, “Eupša le bea basadi go šoma, le go ba bea ntle fale, gomme le ba lese ba dire setena, le bona. Gomme ba tla ba go lapa kudu ge ba tsena, ba—ba ka se kgone go apeela monnamogatša wa gagwe dilalelo, ba ka se kgone go ba mme wa gabotse, le a bona. Gomme kafao ge eba ba ya go šoma le go ya ka mokgwa woo, kafao ba—ba ka se kgone go e dira. Kafao, le ba bea go šoma, le bona.”

¹²³ “Yeo e gabotse! Nna, o monna yo bohlale.” Kafao o bea basadi bohole go šoma.

¹²⁴ Gomme Amorama wa kgale šo o a tla, o a tsena bošegong bjoo, o rile, “Oo, Jogebeda, ga ke tsebe re ya go dira eng. Bjale ba

bea basadi bohole go šoma. Ke—ke a go botša, oo, ke no se tsebe ke dire eng! Re—re—re no . . . Re makgoba, gomme re ba gampe le gampe. Ke—ke akanyetšapele se: ge Modimo a ka tsoge a re direla e ka ba eng, e tla ba morago ga ge re hwile.”

¹²⁵ Bjale, Modimo ga a lete ka mokgwa woo, a O a? Aowa. Modimo o no re bogela dinako tše dingwe, a ga A? Go lokile.

¹²⁶ Kafao gona bošegong bjoo, o rile, “Ke a rotoga le go rapela boka ke sa nka ka rapela pele!”

¹²⁷ Bjale, yeo ke tsela go rapela, a ga se yona? Rapela boka o sa nka wa rapela pele, ka kgontho tsena tabeng! Le a bona, ge o no ya godimo gomme wa re, “Morena, šegofatša *Semangmangmang*,” Modimo ga a—ga a na kgahlego kudu go seo. Eupsa ge ka kgontho o theogela tabeng! Ge lena bašemane le basetsana ba bannyane le rapela, theogelang tabeng! A le dira seo ka sekolong? A le—a le kgopela Modimo go le thuša ka sekolong? Ge—ge o eya sekolong, gomme ga o šome dikereiti gabotse, o a tsena gomme wa re, “Modimo, ke—ke nyaka O nthuše.”

¹²⁸ A o a rapela? Ke bašemane le basetsana ba bakae le rapelago? A re boneng diatla tša lena. Oo, go lokile. Bjale, yeo e lokile. A o ne lefelo la sephiri moo o yago go rapela, ge mama le papa ebole ba sa go bone? A o rapela ka mokgwa wola? Ga—ga o rapele ka mokgwa wola? Eba le lefelo le lennyane, ngwegela ntle gomme o rapele, le go bolela thapelo ya gago. O a e bolela letšatši le lengwe le le lengwe pele o e ya malaong? Ge o tsoga mo mosong, le selo? Oo, yeo e lokile. Ke ba bakae bašemane le basetsana ba bangwe (phagamiša seatla sa gago) bao ba rapelago? Godimodimo moagong. Oo, a seo ga sa loka? Gabotse, bjale, go lokile. Seo se laetša o ne mme le papa wa kgontho yoo a go rutago go dira dilo tše. Bjale, bjale ge ka kgontho o hloka, bokaone o rapele ka go hlomoga. A ga se o?

¹²⁹ Kafao, Amorama yo monnyane, o ya lebatong la ka godimo. Oo, nna! Ga se a nyake dilalelo. O rile, “Go befile kudu. Nna!”

“Oo,” o rile, “o swanetše go ja dilalelo, papa.”

“Ke no se kgone go e dira, Jogebeda. Ke no se kgone go e dira. Ke—ke . . .”

¹³⁰ “Oo,” o rile, “eupša o a ota, gomme o tšhogile, gomme o sehlefetše sefahlegong sa gago. O hlatša dijo tša gago, le dilo.”

¹³¹ “Oo, ga ke tsebe ke dire eng! Eupša,” o rile, “morategi, ge yo mongwe a sa tšeеле batho pelong, ge yo mongwe a sa rapediše batho, re tla dira eng? Re befela pele. Ka nneta, nako ye nngwe, Modimo o tla kwa!”

¹³² Ee, yeo ke nneta. Yeo ke nneta. Modimo o tla kwa. O tsena fase tabeng gomme wa no dula fale!

¹³³ Oo, nako ye o ya lebatong la ka godimo a fapania. Ge a eya lebatong la ka godimo nakong ye, o kwatama fase, o bea

diatla tša gagwe godimo moyeng, a hlaboša, “Modimo, ke bolela le Wena bjale!” Amene. A tsena tabeng! “Modimo, Wena o ne ditsebe, gomme O kgona go kwa. Wena o ne mahlo, gomme O kgona go bona. Wena o ne kgopololo; O tseba Lentšu la Gago. O tseba tshepišo ya Gago. Ke ipobola go Wena, Modimo, lebelela fase fa, O Modimo wa Abraham, Isaka, le Jakobo, gore batho ba Gago ba tlalelong, gomme ba a hwa. Re direle se sengwe, Modimo! Re swanetše go ba le Wena gonabjale! Re no swanelwa go ba le Wena, goba re tla senyega. Re swanetše re be le Wena. Re no swanelwa, ge re phela.” Ke ge ka kgonthe o rapela. Oo, o rapetše!

¹³⁴ Le a tseba, nako ye nngwe batho ge ba rapela, ba a lapa. A ga ba, mme le papa? Oo, ba lapa kudu! Ngwanešu Branham nako ye nngwe o lapa kudu ke nyakile ke fokola ge ke eya go rapela nako ye telele; go no fokola, go ya ntile le go ja, le dilo, lebaka la matšatši; le go rapela le go rapela le go rapela, le go rera. Gomme ke no fihla lefelong ke ya go fokola, go nyakile. Gomme dinako tše dingwe batho ba ba ka tsela yeo. Yeo ga se nako go ineela. Eya pele! Modimo o tla araba! [Ngwanešu Branham o kokota godimo ga phuluphithi makga a mararo—Mor.] Ee, mohlomphegi. Eya pele o swareletše! Ee, mohlomphegi.

¹³⁵ Kafao o rotoga tše nnyane, ditepisi tša kgale tša go palega. Gomme ke kgona go bona Jogebeda a etla kgauswi, gomme a re, “Oo, Amorama, o se ke. Hani, ke—ke a dumela . . .”

¹³⁶ “Bjale, Jogebeda, lebelela, o wa go loka, wa go ratega . . .” O be a le botse, mme yo monnyane yo mobotse. Gomme o mo atlie lerameng, le a tseba, le go mo phaphatha ka mokgwa *woo*. O rile, “Bjale, mme, o boela morago gomme o bea Arone le—le Miriamo yo monnyane malaong. Gomme ke ya godimo go rapela. Gomme bjale, ge o ka nkwa ke lla, o se tle godimo.”

¹³⁷ “Gabotse, eupša, Amorama, o ya go dira eng, hani? O no ba go nyakile o ehwa.”

¹³⁸ “Ee, eupša ke—ke ne morwalo wa batho pelong ya ka. Ke swanetše go dira se sengwe ka yona. Ke swanetše go dula matolong a ka. Gomme kafao batho bohole . . .” O rile, “Lehono, lehono feela, tlase kua thabeng ya setena, ke be ke le tlase fale, tšwetšepele ke re, ‘Gabotse, ka kgonthe, Modimo o tla kwa!’ Gomme mokgalabje yo mongwe yo mogolo o rotogile, o beile diatla tša gagwe godimo ga matheka a gagwe, gomme o rile, ‘O tla kwa neng? O tla kwa neng?’ O bona ka fao eibile le batho ba galakago? Ba ba kgahlanong le Modimo, gobane ba a rapela le go rapela le go rapela, gomme ga gwa direga selo. Gomme yo o a rapela le go rapela le go rapela, gomme ga gwa direga selo. Gomme baprista bohole ba re, ‘Matšatši a mehlolo a fetile, gomme selo se mnoši re ka go se dira go no kobamela fase go bagapeletše ba ba kgale ba ba rapelago bahetene, goba badimo ba bahetene,

le go ya pele. Gomme re ka dira eng?”” Eupša o rile, “Eupša ke dumela go Jehofa! Amene! Ke a dumela O sa araba thapelo!”

¹³⁹ A le dumela seo? [Phuthego e re “Amene!”—Mor.] Le a e dumela? Amene! Bohle ba lena le dumelago seo, e reng, “Amene.” [“Amene.”] O sa araba thapelo! Go lokile.

¹⁴⁰ Mmele wo monnyane wa go fokola, a otile. O ya godimo ga ditepisi tša go palega, o ya godimo fale gomme o kwatama fase. O rile, “O Jehofa!” Oo, o rapetše boka a sa nke a tsoge a rapela pele! O rile, “Jehofa, lebelela fa! O Modimo wa kgonthe. Re dumela gore O ne ditsebe. Re dumela gore O ne mahlo. Gomme O tseba dilo tšohle. Gomme re dumela O Modimo wa Bahebere, gomme re batho ba tshepišo. Re dumela O boloka Lentšu la Gago.” O rile, “Lebelela bahetene ba ntle fa, ka fao ba tšeago mošomo wa rena wa go se ture, gomme ba aga ditsela tše kgolokgolo le medingwana, le se sengwe le se sengwe. Wena, Jehofa, a O tla dula ka Legodimong gomme wa lesa bahetene go buša godimo ga Gago? Ga ke dumele O tla e dira.” Amene!

¹⁴¹ Ke sa no se dumele O tla e dira! Amene! Ge diabolo a tsena, Modimo o sa le Modimo! Thwi! A ka se dumelele bodiabolo ba go dira seo. Ke dumela gore, lehono, gore ge fešene le ditsiebadimo, le matšila a ohle a kgatlampanganago; go sa le, Modimo o sa rena gomme O sa le Modimo! Thwi! Se re se hlokago ke yo mongwe boka Amorama, a ne morwalo pelong ya bona, yo a tla dulago fale le go rapediša, go fihlela Magodimo a bulega mošola, Modimo a theoga le go araba thapelo. Amene.

¹⁴² “Bjale lebelela fa,” o rile, “Modimo, a O lesa bahetene ba ba kwera batho ba Gago ka mokgwa wo? Dibeke le dikgwedi le mengwaga e fetile. Re rapela kgafetša, ka meokgo, eupša . . . [Ga go selo go theipi—Mor.] O Modimo, a O tla dumelela selo se sebjalo?”

¹⁴³ Ke a makala lehono, gore ge makgolo a masea a mannyane a lahlelwa ka dinokeng le ditogotogong, gomme ba sa dumelwelwe go phela, le ditaba tša go rapolla le se se sengwe le se sengwe gape se dirwa; O Jehofa, a O tla dumela selo se sebjalo go ya pele? [Ngwanešu Branham o kokota phuluphithing makga a tshela—Mor.] Lehono, ge wisiki le piri, le bophelo bja bošego, le se sengwe le se sengwe, di llela ntle. Gomme ebile le phuluphithi e fokola kudu go fihla ba boifa go bolela e ka ba eng ka yona. Jehofa, a O tla dumelela ditšiebadimo boka tše go ya pele? O tla araba letšatši le lengwe. Oo, kgalefo ya Gagwe e a šiiša ge e etla. Ee, mohlomphegi. Basadi ba eya ntle ba dira leihlo la lesea la bona threi ya sekerete, go lahlela molora go lona, le se sengwe le se sengwe. Le batho ba tšeela masea a bona a mannyane ntle go dipareng tša piri, basetsana le bašemane ba bannyane ba dutše godimo, bogolo bja mengwaga ye tshela goba seswai, ba enwa, le dilo boka tše. Gomme setšhaba se e dumelela semolao, gomme, “Go lokile.” Oo, nna! Nagana Jehofa ga a bone

seo? Ge, ebile ba dira motlae ka batho ba ka kgonthe ba lego gabotse le Modimo. Dilo tšohle tše di eya pele, go dira motlae. Swarelela, nno tšwelapele o swareletše! Jehofa o tla araba. Le seke la tshwenyega. Go lokile.

¹⁴⁴ Re ya kgojana gannyane. Re mo hwetša godimo fale a rapela. Gomme o nno lapa bjale, o patlama fase. O nno rapela go fihla a no wela lebatong. Ga a sa kgona go ya bokgole bofe, gomme o tšere kgoswane ye nnyane. O phafogile. "Bothata ke eng? Lebelela tikologong fa! Seetša sela se tšwa kae? Oo, lebelela, go engwe fale mo sekhutlwaneleng." Fale go eme Morongwa, tšhosha ya Gagwe e lekeletše fase fale lehlakoreng la Gagwe. Oo, o lebeletše gape, gomme o pikitlile mahlo a gagwe. O gogetše godimo matolong a gagwe, o rile, "Morena, oo, oo, O nyaka eng—eng ka mna?"

¹⁴⁵ O rile, "Amorama, Ke nna Morongwa wa Modimo. Ke ronngwe go tšwa Legodimong, go go botša Modimo o kwele thapelo ya gago. Gomme Ke tla go go botša gore O ya go romela mohlakodiši. O gopola ditshepišo tša Gagwe tšohle." Ke bona Morongwa bjale; o Mo lebeletše, O khwamola tšoša ye. O e šupa leboa. Amorama o lebeletše. O rile, "Feeła bošupong bja tšoša ye go letše naga ya tshepišo. Gomme Ke tshepišitše Abraham, Isaka, le Jakobo, botatago, gore lena batho le tla abelwa naga yela. Gomme Ke kwele motsetlo wa batho, Ke kwele sello sa bana, gomme Ke theogile. Gomme Ke nyaka o tsebe gore o ya go bapala karolo ye kgolo ka go se, Amorama, gobane o bile go tshepega thapeleng. O bile go tshepega ntlong ya gago. Gomme e ka ba nako ye išago, Jogebeda, mosadimogatša wa gago yo monnyane wa go ratega, o ya go gokara lesea le lennyane la mošemane. Gomme lesea leo le lennyane la mošemane le ya go ba mohlakodiši." Letago!

¹⁴⁶ O rile, "Oo, ee. Ee. Oo, ee. Ee. Oo, O botse bjang." O lebeletše, gomme Morongwa o thoma go thakgoga. Go nno lebega o ka re magodimo ka moka a bulegile, gomme O tšwile ka kamoreng. O letile nthatana gannyane. O rile, "Oo, ga ke gafe."

¹⁴⁷ O theogile ditepisi, ka bjako ka kgonthe, gomme o rile, "Jogebeda! Jogebeda, thwi ka pela!"

O rile, "Ee, bothata ke eng, morategi?"

¹⁴⁸ O rile, "Dula godimo!" Gomme ngwedi o hlabetshe lefastereng, o be... O bogegile bobotse. Gomme o rile, "Ke sa tšo bona Morongwa wa Modimo, gomme O mpoditše dilo tšohle tše."

"Oo, O bogegile bjang?" go boletše mme. "O bogegile bjang?"

¹⁴⁹ O rile, "Oo, O be a le botse. O be a apere kobo ya go phadima. Mahlo a Gagwe a bekentše. Gomme O be a swere tšoša ka seatleng sa Gagwe, gomme O e šupile leboa." Yeo ke tsela, le a tseba, naga ya tshepišo e letšego go tloga Egepeta; godimo ka tsela yela, Palestina. O rile, "O šupile leboa. Gomme O boletše

gore re be re eya go ba le lesea e ka ba nako ye išago, gomme lesea le lennyane le le ya go tšwelela le go ba mofenyi, le go ya go hlakodiša batho ba Gagwe. Oo, haleluya, Jogebeda!”

¹⁵⁰ Gomme o lemogile o be a le yo mošweu. Sefahlego sa gagwe, mahlo a gagwe a be a tsepeletše, mahlo a gagwe a makoto a be a lebeletše. “Jogebeda, bothata ke eng?”

“Oo, Amorama! Aowa, aowa, aowa! Re ba le lesea la mošemane?”

“Ee.”

¹⁵¹ “Oo, wena... Go ka se kgonege. O a tseba ke eng? Oo, ge nkabe o se wa ba le pono ye. O a tseba ke eng, Farao, o bolaya masea a mannyane ohle.”

¹⁵² “Ee. Eupša, o a tseba, ge Modimo a re fa lesea le, Modimo o tla hlokomela lesea. Amene! Modimo o tshepišitše. Modimo o tla mo hlokomela.”

¹⁵³ Gabotse, letšatši la go latela o ya ntle mošomong. Gomme mathaka ohle godimo fale, ba lemogile Amorama. Sebakeng sa go tla, le a tseba, a kobamile le go lapa, o bile le magetla a gagwe a emišitšwe, o rile, “Fetišetšang ditena tše dingwe gape. Etlang, a re yeng!”

“Bothata ke eng?”

“Letago go Modimo! Modimo o ya go araba thapelo.” Oo, ga go... .

¹⁵⁴ Le a tseba, go go dira o ikwele gabotse ge o hwetša karabo. A ga re tsebe seo, papa le mama, ge Modimo a efa karabo? Ga se wa swanela go bona pono. Feela go tseba karabo e gona, ke tšohle. Ke tšohle, go no tseba karabo e gona.

¹⁵⁵ Bjale, theeletša kgauswi bjale, ke nyaka le theetše, se se diregilego. Bjale le a tseba, morago ga nakwana, o rile, “Go lokile, Amorama, bothata ke eng ka wena?”

¹⁵⁶ “Modimo o ya go araba thapelo! Modimo o ya go araba thapelo!”

“Gabotse, O ya go araba thapelo bjang?”

“Seo ga se dire phapano e ka ba efe.”

¹⁵⁷ Mothaka yo mongwe wa motšofe o sepeletše godimo, gomme o rile, “Bjale ke neng o naganago O tla tsoga a araba?”

¹⁵⁸ “Gabotse, ga ke ye go go botša, gobane o mosedumele, golebjalo. Mphitišetše ditena tše dingwe gape.” Di fošeditše ka fale ka mokgwa *wola*...?... Ga go kgathale; ga se wa swanela go botša basedumele dilo tšohle, a o? Ga e dire phapano ye e itšego. Aowa, mohlomphegi. Ka kgonthe aowa. “Mphetišetše ditena tše dingwe gape. Haleluya! O ya go araba thapelo!” Ke ka tsela yeo o ikwelago ge o tseba go ya go direga. A ga se yona? Ee, mohlomphegi.

“Gabotse, O ya go e dira bjang?”

¹⁵⁹ “Ga o tsebe, golebjalo, kafao nno tšwelapele o fetišetša setena.” Di beile tšohle ka fale, tšere tšona tšohle setena sa kgale ka fale.

¹⁶⁰ Bošegong bjoo o ile gae, o rile, “Oo, Jogebeda, nagana ka yona, re ya go ba le lesea! Oo, o ya go ba mohlakodiš! Modimo o ya go mo romela. Oo, go ya go kgahliša.”

“Oo, eupša ke kudu . . .”

¹⁶¹ “Oo, tlogela go balabala! Tlogela go balabala! Nna! Modimo o—Modimo o ka bofelong bja go kwa bjale. Modimo o ne ditsebe; Modimo o kgona go kwa. Modimo o ne diatla; O kgona go hlakodiša.” Kafao, oo, o bile le bontši bja tumelo.

¹⁶² Le a tseba, ge o rapela go fetša, o hwetša karabo, ka kgonthe o hwetša tumelo ye ntši nako yeo. Oo! A o kile wa rapelela e ka ba eng, gomme o a tseba Modimo o be a eya go go direla yona? A lena basetsana ba bannyane le dira seo, le lena bašemane ba bannyane? Ya. Kgonth. Ke ge A . . . Ke ge o tseba e ya go direga. Go lokile.

¹⁶³ Ngwaga ka moka o a feta. Gomme selo sa pele o a tseba, Amorama šo o a tla go tšwa mošomong letšatši le lengwe. Gomme go diregile eng? Lesea le lebotsana le lennyane, oo, o be a le moratiwa yo monnyane, e ka ba bottelele *bjo*. Gomme kafao o mo kukile, a mo nela go Amorama. Gomme o mo atlide, le a tseba. O a mo rata, le a bona. Gomme mme o be a mo swere. Oo, a lehumo! O rile, “Oo, ke tšhogile kudu, golebjalo, o a tseba. Lesea le lennyane le, o no ba selo se sennyane se sebose.”

¹⁶⁴ Gomme le a tseba ke eng? Beibele e rile yola e be e le lesea le lebotsebotse le kilego la tswalwa. Bjale ke a tseba bomme ba ka se dumelane le nna go seo. Uh-huh. Ba naganne . . . Mmago o naganne o be o le lesea le lebotsebotse le lennyane. A ga se nke? Ya. O ne tokelo go nagana seo. Eupša Bibele e rile yo e be e le lesea le lebotse le lennyane. Oo, o be a le lebjebohllokwa. Modimo o bile le diatla tša Gagwe go yena, le a tseba. Kafao, oo, o be a le selo se sebotsebotse se sennyane! O be a tla lala fale, gomme o—o be a tla no dira go tšinya go gonnnyane nthatana, a se ne meno.

¹⁶⁵ Ga se o be le ngwaneno yo monnyane le bona, o ka dira seo, ge a sa—sa ba le meno, go no tšinya ka mokgwa *woo*?

Gomme selo sa pele le a tseba, “Waa!”

“Oo, nna, mmalo! Fše! Ke a tseba, a re no mo uta.”

“Bothata ke eng? O dira eng?”

¹⁶⁶ “Mo tšeala lebatong la ka fase. O a tseba se taelo e lego. O a bona, ge baloi bale ba nko tše telele ba etla fa, ba tla tše lesea la rena gomme ba le bolaya. Yeo ke nnete. Re ka se le lese la lla.” Kafao, oo, le hlokile tše dingwe—hlokile difihlolo goba dilalelo

tše dingwe. Kafao mme o le tšeela godimo sekhutlwāneng, o a le amuša, le a tseba. Gomme kafao o be a lokile nako yeo.

¹⁶⁷ Kafao mašego a mmalwa morago ga fao, ba be ba bapala le yena, gomme, “Waa!” O ile gape, le a tseba, o thomile go lla. O ile kgonthē ka bjako, gomme o mo fihlile—fihlile kgonthē ka bjako ka mokgwa woo. Gomme lebatong la ka fase, moragorago ka morago, ka lebotong, Amorama o be a lokišitše lefelo moo a ka go fihla lesea.

¹⁶⁸ Gomme selo sa pele le a tseba, ba kwele se sengwe lebatong la ka godimo se eya . . . [Ngwanešu Branham o kokota phuluphithing—Mor.] *Fše!* Ile! Yo mongwe le yo mongwe o phatlaletše go lefelo le tee, o rile, “Bao ke bona. Bao ke bona baloi ba kgale, ba kgale ba dinatalitele, dinala tša go pentiwa!” Gomme baloi ba kgale . . . Lebeletše fase fale, gomme o lebeletše ntle ka lefastere, o rile, “Ya, ke bona. Ba eme fale.”

[Ngwanešu Branham o kokota godimo ga phuluphithi—Mor.]
“Bula!”

¹⁶⁹ Amorama wa kgale o sepeletše ntle, o butše mojako, o rile, “Le nyaka eng?”

¹⁷⁰ Rile, “O ne lesea ka fa, gomme re a e tseba. Gomme re ya go le tšeā.”

“Ga re ne lesea go le fa lona.” Ga se ba ke.

¹⁷¹ “Re a tsena le go lebelela, golebjalo. Re maphodisa a basadi. O bona dipetše tša rena?” Gomme yeo ke . . . A seo ga se se sengwe go mosadi go ba? Eupša, “Re maphodisa a basadi. Re ne ditokelo tša rena go tšwa maatlataolong!” Le a tseba, re ne bona fa bjale. Gomme kafao—kafao gona ba a theoša, ba a tsena. Ba a tsena gomme ba phethola sofa, gomme ba bula ditrowara tšohle, le go lahlela se sengwe le se sengwe lebatong, gomme ba tšeā dikobo tšohle gomme ba di rothotha. Gomme ba ya lebatong la ka godimo gomme ba hwetša moo papa a nago le lefelo le lennyane la sephiri. Ba lebeletše mogohle, eupša ga se ba kgone go hwetša lesea.

¹⁷² Ga se ba kgone go hwetša lesea, kafao ba sepeletše godimo go mosadi fale, Jogebeda wa go šokiša—wa go šokiša a eme fale, sefahlego sa gagwe se be se sweufetše. Ba sepeletše godimo, ba rile, “Lebelela fa! Re a tseba gore o m—m mme. Re kgona go bolela ka mmogego wa gago. Re a tseba o mosadi yo a amušago, gomme re a tseba lesea leo le gona. Re tla bowa. Re tla le hwetša!” Ba tšwile ka mojako. Ba bethantše mojako, gomme ba tšwetše ntle.

O rile, “Oo, oo, re ka dira eng? Re ka dira eng?”

¹⁷³ Kafao Amorama o rile, “Rapela.” A seo ke selo go se dira? [Bašemane le basetsana ba re, “Ee.”—Mor.] A seo ke selo? “Rapela! A re rapele.”

“Oo, oo, oo! Ga ke tsebe ke dire eng—eng. Oo!”

¹⁷⁴ Kafao o rile, “Bjale, lebelela, o a homola, gomme o a ya go amuša lesea gape. Ke ya lebatong la ka godimo le go rapela.”

¹⁷⁵ Kafao o ya lebatong la ka godimo gomme o a rapela. O rile, “Jehofa, O ne ditsebe. Jehofa, O ne mahlo. Jehofa, O kgona go kwa. O kgona go araba thapelo. O re file lesea le. O re file tshepišo ya Gago. Gomme O tla boloka tshepišo ya Gago, gomme O tla boloka lesea lela. Gomme ke a tshepa!”

¹⁷⁶ Morago ga go rapela, a lapa ka kgonthe, o—o nno wele godimo ka mokgwa *wo* gomme o ile go robala. [Ngwanešu Branham o ekiša go ona—Mor.] O be a lapile kudu! O šomile mosegare ohle, gomme a rapela bošego bjohle. O be a lapile. Gomme gona le a tseba go diregile eng? O ile go robala, gomme o lorile toro.

¹⁷⁷ Le a tseba, Modimo o bolela ditorong, le tšona, a ga A? Nnete, O a dira. Ee, O a dira. A ka kgona. Le a bona? Gomme O bolela ditorong.

¹⁷⁸ Oo, ge a phafogile, o rile, [Ngwanešu Branham o thwantšha monwana wa gagwe gatee—Mor.] “Yeo ke yona! Ke be ke swanetše go be ke naganne ka seo. Ke seo ke swanetšego go se dira.” [Ngwanešu Branham o kokotile phuluphithing makga a mahlano.] “Ke no se bolele selo ka yona.”

O theogile ditepisi. O rile, “Jogebeda!”

“Ee, morategi? Oo, ke lapile bjang. Ga ke kgone go robala.”

“Oo, eya go robala. Eya go robala. Go fedile.”

“O tseba bjang?”

“Oo, ke no tseba. Ke no ba le tshepo!”

¹⁷⁹ Sebakeng sa papa, bosegong bjoo, a eya lebatong la ka godimo go rapela, o ile tlase lebatongtlase. O be a le matasatasa tlase fale. Ke makala o be a dira eng. A re theogeleng tlase gomme re mmone. Ke mmona tlase fale, a eya... [Ngwanešu Branham o thoma go hama, le go konka ge a ekiša go agweng ga se sengwe—Mor.] “Kong, kong, kong.” [Ngwanešu Branham o a hama.] O tšeа lehlaka le, gomme o a le senka, o a le koba le go bona ge eba le lokile. [Ngwanešu Branham o a hama.] Arone yo monnyane o tšwetše ntle letšatšing leo, gomme o kgobokeditše sešuba sa ona, o a beile tlase ka lebatongtlase, le a tseba. [Ngwanešu Branham o a hama.] “Modimo a go hlokomele.” [Ngwanešu Branham o a hama.] “Bodumedi bja nako ya kgale, bjohle bo swanetše go ba therešo!” [Ngwanešu Branham o kokota se sengwe.] A di bofe go dikologa.

O rile, “Amorama, bothata ke eng ka wena?”

“Haleluya! Ga bo gona, morategi. Eya pele.”

¹⁸⁰ [Ngwanešu Branham o a hama—Mor.] “Ke bodumedi bja nako ya kgale.” [Ngwanešu Branham o kokota gape.] “Ke bodumedi bja nako ya kgale.” O tliša le godimo *fa*, le a tseba. “Ke

bodumedi bja nako ya kgale.” “Šššššššš,” e tswalele. “Gomme bo ntoketše go lekanel! Mphe bja kgale bjo . . .” O be a dira se sengwe.

¹⁸¹ Le a tseba, ka morago ga ge beke goba tše pedi di fetile, selo sa pele le a tseba, ba maketše se a bego a se dira.

¹⁸² Kafao bošegong bjo bongwe ge bohole ba be ba robetše, o ngwegala lebatong la ka godimo gomme o tliša selo se sennyane godimo, le a tseba. Gomme o se tliša godimo ka mokgwa *wo*. Gomme o se tliša godimo. O phagamiša seapešo moo Jogebeda mosadimogatša wa gagwe a robetšego, gomme o se swametša ka tlase ga seapešo. Gomme Arone yo monnyane le—le Miriamo yo monnyane ba be ba robetše, le a tseba; oo, o be a le selo se sennyane se sebose, mosetsana yola yo monnyane o be a le, le Arone yo monnyane o be a le bjalo. Kafao, o se bea ka tlase fale. O rile, “Jogebeda, morategi.”

¹⁸³ O rile, “A o be o le ka lebatongtlase o rapela nakong ye ya bošego, Amorama?”

O rile, “Aowa. Ke be ke le lebatongtlase, ke tumiša Modimo.”

O rile, “O be o dira eng?”

¹⁸⁴ O rile, “Ke nyaka go go botša. Bjale, o a tseba bona baloi ba kgale ba a bowa.”

“Ya.”

¹⁸⁵ “Gomme ke nyaka go go botša se re yago go se dira. Re bile le lesea bjale lebaka la dikgwedi tše tharo, gomme re swanetše go le tloša.”

“Oo, Amorama! O swanetše go dira eng?”

“Re swanetše go tloša lesea.”

“Go tloša lesea?”

“Ya.”

“Oo, o sehlogo!”

“Aowa, ga ke sehlogo. Aowa, aowa, aowa. Ke tseba se ke se dirago.”

¹⁸⁶ “O ra go reng? Gobaneng, o tla ba gampe bjalo ka Farao. O ya go tloša lesea la rena?”

“Ya, ya go tloša lesea.”

“Oo, re ka se kgone!”

¹⁸⁷ “Bjale theetša. Ge re ka le boloka, re ya go lahlegelwa ke lona. Gomme ge re le neela go Yena Yo a re filego lona, O tla le hwetša.” A yeo ke nnete? “Bjale, ge o le boloka, re ya go lahlegelwa ke lona.”

“O ya go lahlegelwa ke lona bjang?”

“Gobaneng, bona baloi ba kgale ba ya go tla kgauswi le go le hwetša.”

¹⁸⁸ Gomme lebelelang, ge o boloka soulo yela gomme o eya pele le go phela boka lefase, o ya go lahlegelwa ke yona. Baloi ba hele ba morago ga gago. Gomme yeo ke nnete. Gomme dilo tša bošilo tša lefase ntle fale, di thwi morago ga gago. Ge o e boloka, o ya go lahlegelwa ke yona; eupša ge o e neela morago go Yena Yo a go filego yona, o tla e hwetša le go e boloka. Ke eng yona bjale? Ge re e boloka, re dira eng? [Bana ba re, “Lahlegelwa ke yona.”—Mor.] Lahlegelwa ke yona. Ge re e neela go Kriste, re eng? A e boloka. [“A e boloka.”] Amene! Yeo e lokile. Bjale le araba gabotse.

¹⁸⁹ Bjale o rile, “Jogebeda, re ya go lahlegelwa ke lona ge re le boloka. Kafao ge re le bušetša—le bušetša morago go Yena Yo a re filego lona, gona re tla le boloka.”

¹⁹⁰ Bjale o ne soulo. Gomme, papa le mama, le lena go swana. Eupša ge le e boloka, le ya go lahlegelwa ke yona. Yeo ke nnete. Baloi ba ya go e tšeа. Bohle ba ka morago ga yona! Eupša ge o e neela morago go Yena Yo a go filego yona, o tla e bolokela go Bophelong bjo bosafelego. Haleluya! Amene! Ntshwareleng, bana, ke—ke no ba fešene ya kgale go lekanelo go goeletša. Ge o e boloka . . . A re e boleleng, bohle mmogo: [Phuthego e bolela mmogo le Ngwanešu Branham—Mor.] “Ge o e boloka, o tla lahlegelwa ke yona; ge o e neela morago go Yena Yo a go filego yona, o tla e boloka.” Amene. Elelwang bjale, e neele go Yena.

¹⁹¹ Bjale a re šetšeng. Oo, o thoma go lla. O rile, “Oo, o ya go dira eng ka lona?” o boletše.

“Lebelela fa, ke nyaka go go bontšha se sengwe.”

“O swere eng ka tlase ga malao a ka fao?”

O rile, “Anke ke go bontšhe.” Gomme o se gogetše ntle.

“Oo, ke serotwana se sennyane sa mahlaka!”

¹⁹² Ke seketswana se sennyane, se e lego sona. Ga se ne ratara, ga se ne difehli, ga se ne dikanono go sona, gomme efela se ya go rwala morwalo wo bohlokwa kudu woo o kilego wa rwalwa ke sekepe, go nako yeo. E kweng! Ga se ne mokapotene goba bahlokemedi. Ngwanešu, ke tseba Sekepe bakeng sa yo mogolo, boka seo, le sona!

¹⁹³ “Oo,” o rile, “Am— . . . anke ke se lebelele, Amorama, anke ke bone.” O ya godimo fa.

¹⁹⁴ O rile, “Lebelela fa, se ne sekjurumelo se sennyane go sona. O a bona?” O topela sekjurumelo se sennyane godimo.

O rile, “Fše! Se a nkga! Uh! Fše! Nna!”

O rile, “Ee, se a nkga.”

“Gobaneng?”

¹⁹⁵ “Ke se tšetše go tlala ka sekontiri. Sohle se ne motimmu, gohlegohle.” Motimmu ke sekontiri, le a tseba, kafao ba beile boreku gohlegohle go sona. Ke se a bego a se bediša tlase fa, le

go tshela godimo ga mahlaka a. O be a se dirile ka motimmu. O rile, “O a bona, meetse a ka se kgone go tsena ka go sona gona. O a bona, se tswaletšwe gohlegohle.” Gomme o rile, “Gomme a no se kgone go tsena ka go sona, meetse a ka se kgone. Ke se dirile ka motimmu.”

O rile, “Fše! Se nkga gampe!”

¹⁹⁶ Lena bana le tseba se sekontiri se lego, ge ba lokiša mokgotha, “Oo, monkgo wola wo mobe!” Eupša se—se—se—se boloka . . . Se—se tswalela menga yohle mo mokgotheng. Gomme ke ka tsela yeo se se dirago, se tswalelala meetse ohle ntle.

¹⁹⁷ Gomme ke seo thapelo e se direlago modumedi. Ke seo tšatši ka tšatši se ntšhago lefase ka go wena, ke ge o iphitsa ka motimmu wenamong go matolo a gago, gomme wa re, “Morena Jesu!” Gomme Madi a a theoga, gomme A go tswalelala gohle gore diabolo a se go fihlelele. Le a bona? Yeo ke nnete. Le a bona? Kafao gona, oo, makga a mantši batho ba ya tikologong gomme ba re go gampe, eupša, seo ga se dire phapano efe, e go boloka o bolokegile. Seo ke tabakgolo, go bolokega. O re, “O wa fešene ya kgale,” eupša, seo ga se tshwenye, se a go boloka.

“Gabotse,” o rile, “re ya go dira eng?”

¹⁹⁸ “Go lokile,” o rile, “Ke tla go botša se re yago go se dira. Re ya go tšea lesea, gomme re ya go ba le karogano ye nnyane. Gomme re ya go tšea lesea le go le bea ka fa, gomme ra mmea ntle ka Nokeng ya Nile.”

¹⁹⁹ “Oo! Aowa! Aowa! Aowa! Amorama, o ka se bee lesea la rena ntle ka nokeng.”

²⁰⁰ “Ee! Ee! Ke tseba se ke se dirago.” Le a bona, o be a bile le toro, o tsebile a dire eng. Le a bona, Modimo o be a mo laetše. O tsebile a dire eng. O agile se, gomme o bone e be e le sona sekai sa areka yeo e pholosítšego Noage morago fale ka nakong ya gagwe.

²⁰¹ Kafao o rile, “Lebelela fa, ke ne lešoba le lennyane le segilwe thwi ka godimo ga sona, gore a kgone go hema. O a bona, a ka kgona go hwetša bothunya go kgabola fale.”

²⁰² Gomme le a tseba, areka ka Beibeleng ya Kgale, moragorago fale, e be e dirilwe ka tsela ya go swana. Gomme e bile le lešoba thwi ka godimo ga yona, kafao o kgonne go bona ka gare, le a bona, le moo a bego a swanetše go lebelela godimo.

²⁰³ Kafao gona lesea le lennyane le, le se nago leina, ebile ga se le be le leina e ka ba lefe; le lennyane, lesea la go se be le leina, gomme efela lesea le lebotse kudu le lennyane ka lefaseng.

²⁰⁴ Bošegong ba go latela, ge ba tsene, gomme ba letile go fihla e ka ba iri ya boraro mo mosong, gomme morago ba . . . O sepelela godimo. Gomme o feditše go rapela. O ya godimo, gomme o rile, “Bjale etla, Jogebeda, tsoga!”

²⁰⁵ Gomme kafao ba tsošitše Arone yo monnyane le Miriamo yo monnyane. Oo, o tla godimo gomme o bea matsogo a gagwe godimo, o rile, “Papa!” Miriamo yo monnyane, o rile, “Ga o ye go tšeа ngwanaborena yo monnyane, lesea, a o, gomme wa le bea ka Nile moo dikwena tšela tšohle di lego?”

²⁰⁶ Gomme o bušeditše moriri wa gagwe wo monnyane morago ka mokgwa *wola*. Gomme wa gagwe... O bile le mahlo a mabotsana, le moriri wo monnyane wo mobotsana. Gomme kafao o mo atlile ka thoko ga lerama. O rile, “Hani, go a nkgobatša, le nna. Go a nkgobatša, le nna, eupša re swanetše go dira se.”

²⁰⁷ Le a bona, basetsana le bašemane ba bannyane, dinakong tše dingwe re swanetše go dira dilo tšeа di re gobatšago, eupša re swanetše go e dira, golebjalo. Ge basetsana ba re, “Hei, a o kile wa kgoga sekerete?”

O tla re, “Aowa.”

²⁰⁸ “Gabolse, leka se tee! Oo, ke nna mokgotse wa gago, o a tseba. Ya, se leke.”

²⁰⁹ Eupša wena, go ka no gobatša gannyane, eupša e re, “Huh-uh. Ga ke se nyake.” Le a bona? Le a bona? “Ga ke se nyake.”

O re, “A o tla tla, wa ya pontšhong le nna mantšiboeng a?”

²¹⁰ “Aowa, aowa. Huh-uh. Ga ke ye dipontšhong.” Le a bona? Go ka no gobatša feela gannyane. Le a bona?

²¹¹ “Oo, o no ba mmuwane wa kgale.” O se ke wa dumela seo. Go ka no gobatša feela gannyane nthatana. Nno šikološa hlogo ya gago go yona; ke selo sa maleba go se dira, o a bona. Ka mehla dira seo, dira selo sa maleba. Go lokile.

²¹² Gomme bjale ge basetsana ba ithuta selo se sa kgale se sennyane sa go bina ka menwana ka mokgwa woo, gomme ba nyaka o se dire; o ba botše, “Aowa, aowa.” Ga o se dire, o a bona.

²¹³ “Oo, gabotse, ke go ipshina kudu.” Ga o kgathale ke go ipshina kudu gakaakang go lego. O nyaka go dira se e lego maleba, kafao o dira se e lego sa maleba. Bjale, o no elelwa seo. O ka se se lebale, a o tla?

²¹⁴ Bjale, bjale ba dirile eng? Ba tšere lesea le lennyane gona, gomme ba ile godimo fale. Gomme Arone yo monnyane o tla godimo, o rile, “Papa, o ya go dira eng ka lesea la gaborena?”

²¹⁵ O rile, “Arone, dula fa mo seropeng sa ka, hani.” O rile, “Lebelela, Arone. Ge re ka boloka lesea, re ya go dira eng?” [Phuthego e re, “Go lahlegelwa ke lona.”—Mor.] “Lahlegelwa ke lona. Eupša ge re neela lesea morago ka diatleng tša Yena yoo a re filego lona, re tla dira eng?” [“Le boloka.”] “Re tla le boloka.” Yeo ke nete.

“Eupša o ya go e dira bjang, papa?”

²¹⁶ “Ga ke tsebe. Ga ke tsebe e ya go dirwa bjang, eupša Modimo o ya go e dira.” Le a bona?

²¹⁷ Gomme kafao gona ba beile lesea le lennyane ka fale, gomme kafao o a sepela. Gomme šeba ba a ya bjale, ba ya mojakong. Ba ya tlase go mojako, o lebelela ka tsela *ye* go theoga mokgotha, tsela *yela* go theoga mokgotha. Ga go gona, ga go motho a tlago. O rile, “Etlang, Jogebeda. Etlang, Arone. Etla, etlang, Miriamo. A re yeng.”

²¹⁸ Ba tšea areka ye nnyane le go ya tlase go maribana a noka. Oo, ke nako ye telele pele ga go hlaba ga letšatši. Gomme Arone yo monnyane šo, morago fale a swere Miriamo yo monnyane, ngwanešu yo yo monnyane le kgaetšedi, ba be ba lla. Gomme Jogebeda yo monnyane wa go šokiša, o ya mmogo, a re, “hlwephe, hlwephe, hlwephe, hlwephe.”

“Šš-šš-šš-šš-šš! Ba šeditše mokgotha. Hlokomelang. Šš! Hlokomelang.” Go theoga mokgotha. “Šš-šš-šš! Hlokomelang.” A kukile lesea le lennyane. Gomme mme o be a kukile lesea, gomme—gomme papa o kukile areka.

²¹⁹ Ba fihla tlase nokeng. Oo, a noka ye kgolokgolo, ya bobedi ye kgolwane ka lefaseng, go nyakile. Gomme kafao, gona, noka ye kgolokgolo, le ya lebelo, gomme go no tlala ka dikwena tše kgolo tša kgale le dikgaga. Oo, di be di nonne. Fše! Ba be ba ba fepile bona bohole bana ba bannyane. Di be di no nona. Gomme—gomme o re, Jogebeda o re go Amorama, monnamogatša wa gagwe, o rile, “Oo, go ka reng ge dikgaga di ka se swara? Go ka reng ge dikwena ka fale di e kgwatha?”

²²⁰ O rile, “Se tshwenyege. Ge di ka tsoge tša šunyetša nko ya tšona ka go sekontiri sela, di tla ya kgole, le a bona. Ke ka lebaka leo e nkga, le a bona. E tla šunyetša nko ya yona,” o rile, “a ka se kgone go dupelela nama ya motho, kafao e tla tloga. Sekontiri sela se tla nkga gampe kudu go fihla di tšhaba. Go tla loka. Se tshwenyege.” Kafao ba . . . Gomme ba e bea fase, areka ye nnyane. Gomme o rile . . . “Bjale o amuša lesea.”

²²¹ Kafao mme o tšea lesea le go le amuša, gomme o amuša lesea go fihlela le hwetša difihlolo tša lona, ka leselaphutiana mosong. Gomme morago o [Ngwanešu Branham o dira modumo wa katlo—Mor.] a le atla. Gomme o rile, “Bjale, Arone, o ka le atla.” Gomme Arone o a le atla. Gomme morago o le iša go Miriamo, gomme o a le atla. Le mme o a le atla, gomme, “Oo,” o rile, “Ke no . . .”

²²² “Bjale, šš-šš-šš! Bjale theetšang, re swanetše go ba mašole. Le a bona? Re swanetše go ba mašole. Bjale bohole le nyaka go le atla gape?” Bohle ba bona ba a le atla, gohole, gape. Morago ba mmea ka fale.

²²³ Gomme mme o dirile kobjana ye nnyane, gomme a le bea go yona, le mosamelo wo monnyane. O o beile ka fale. O rile, “Lesea la ka le lennyane la go ratega, Modimo a go šegofatše.”

“Šš-šš-šš! Bjale, Modimo o tla hlokomela leo. Le se tshwenyege.”

²²⁴ O tswaletše setswalelo se sennyane fase. Gomme selo sa pele le a tseba, tate o thoma go hlobola jase ya gagwe, o apola hempe ya gagwe. Šo o aya, a tlaputla go tsena ka meetseng.

²²⁵ Le nagana go ya go direga eng ka Legodimong, e ka ba ka nako ye? Haleluya! Le a tseba, ge dilo di direga tlase fa, go ne se sengwe se diregago godimo Kua, le gona. Amene! Ke kgona go bona Modimo a phagama go tloga Teroneng ya Gagwe, a sepelela godimo, a re, “Gabariele! Gabariele! O go kae?”

Gabariele o re, “Ke nna yo, Morena.”

²²⁶ “Etla fa! Ya go go bontša se sengwe!” O rile, “Lena bohle Barongwa etlang tikologong fa, motsotso, Ke nyaka go le bontša se sengwe. Ke ne batho bao ba Ntumelago. Ee, Ke ne batho ba ba Ntshepago. Etlang fa, motsotso! Go le loketše lena bohle Barongwa, go lebelela se. Lebelelang!”

“Se go kae?”

“Thwi tlase fale. Lebelelang ntle.”

“Ya, ya. Ya, Ke a bona.”

²²⁷ “Lebelelang thwi tlase fale. Bonang ntlha ya ona—ona—ona mahlaka fale, ona makoriba le dilo?”

“Ya.”

“Bonang fale!”

“Ke eng?”

²²⁸ “Go ne monna ka diatla tša gagwe godimo moyeng, mo matolong a gagwe, a Mpitša. Go ne mme yo a llago, le bana ba bannyane ba babedi ba lla. Ba tshepetše go Nna go fihla bjona bofelong. Gabariele, o elelwa ge o tsene? O elelwa monna yola?”

²²⁹ “Ee, Ke kopane ka kamoreng bosegong bjola gomme ke boletše le yena. Uh-huh.”

²³⁰ “O sa Ntshepa. Ke ne batho bao ba Ntumelago! Ke ne batho bao ba tla Ntshepago go fihla bofelong!” [Ngwanešu Branham o kokota phuluphitthing makga a tshela—Mor.] “O a mmona? Mo lebelele.”

“Ee, oo, a seo ga se bogale!”

²³¹ Tate o sepela ke meetseng, o thoma go kgoromeletša seketswana se sennyane ntle.

Ke kgona go Mo kwa a re, “Gabariele!”

“Ee, Morena?”

²³² “Biletše Barongwa ba dikete tše lesome lefelotiragalang. Ba fe dtaelo tša go matša gonabjale. Biletše madira a Legodimong ntle. Ba romele bohle godimo le tlase, go bapa maswareletšo a Legodimo, gomme o ba bee bohle godimo le tlase Nile. Ke laela

gore ga go kwena e tla go kgwatha morwalo wola! Ga se gona se ka o kgwathago! Ebile o se dumelele le lefatša la legong go tla kgauswi le ona.” Haleluya!

²³³ Gabariele o rile, “Go tla dirwa.” Nna! O leditše phalafala! Barongwa ba dikete tše lesome ba tla ba itlhame!

“Mofofishi. O ya go ba kae, Morena?”

²³⁴ “Ke tla ba ka mafelelong a mangwe.” Ka mehla O ka bofelong bja go amogela. “Ke tla leta tlase ka bofelong bjo bongwe. Ke ne morero. Ge batho ba tla Ntshepa, Ke ne se sengwe, morero; go tla loka le bona.” Go lokile, O theogela go bofelo bjo bongwe.

²³⁵ Ke bona Moshe . . . goba Arone yo monnyane le bona, ba boela morago mokgotheng, ba lla. “Šš-šš-šš-šš-šš! E šetšeng.”

²³⁶ Gomme Miriamo yo monnyane, o sa eme, a šeditše. O rile, “Oo! Oo!”

²³⁷ O rile, “Esla, Miriamo, le a hlabo. Esla, mekoko e llela mosegare. Esla, le a hlabo. Esla, hani, a re ye!”

²³⁸ O rile, “Oo, papa, papa! Hle, gatee gape. Anke ke no ema, nno ntesa ke e šetše gomme ntese ke bone go direga eng. Ke tla ba morago gae morago ga nakwana.”

²³⁹ “Oo,” [Ngwanešu Branham o thwantšha monwana wa gagwe—Mor.] “yeo ke kgopolo ye botse, Miriamo. Go ka no loka. O no ema le go šetša go direga eng.”

“Go lokile, ke tla—ke tla e šetša.”

²⁴⁰ “Bjale, o hlaganelo gae morago ga nakwana. O no bona go direga eng. Gomme o a tla, o re tlišetše ditaba, se se diregago.”

“Go lokile, papa.” Gomme ba sepetše, ba swanetše go hlaganelo.

²⁴¹ Miriamo yo monnyane, o a ema gomme o a šetša. Sa pele le a tseba, le a hlabo. “Oo, oo, oo, ke eng sela se rotogago fale? Ke—ke lefatša. Aowa. A yela ke kgaga? Oo, e retologile.”

²⁴² Ha-ha! O bone eng? O bona se batho ba bantši ba sa se bonego. Le a bona? Morwalo wola wo monnyane o be o eya, o phaphametše go kgabola fale. Ba naganne ga se se be le mootledi o itsegoo; ba naganne ga se se be le mokapotene. Se dirile. Ba be ba kgobokane gohole go dikologa.

²⁴³ Kwena ye nnyane še e a tla, e re, “Oo, lebelelang fale!” Šo o a tla, a phaphametše ka mokgwa *woo*. O ya . . . Oo, aowa. Aowa, aowa. A ka se tle kgauswi le morwalo wola.

Ka fale go eme molokolodi, mohlakodiši, dimilione tše tharo tsha Bajuda tše di nyakilego go lokollwa. [Ngwanešu Branham o kokota mo phuluphithing makga a mahlano—Mor.] Bodiabolo bohole ka heleng ga se ba kgone go mo kgwatha. A phaphametše go theoga, areka ye nnyane ye ya go dirwa ka sekontiri, pele go theoga noka.

²⁴⁴ Selo sa pele le a tseba, e tsena ka sedingwadingwaneng. “Oo!” Miriamo o rile, “Oo! Oo! Lebelelang seo! Sedingwadingwane seo, se lebelele! Se lebelele ka mokgwa woo!” Selo sa mathomo le a tseba, gateetee se nno tšwela ntle.

²⁴⁵ Ke tsela yeo e yago. Re tsena sedingadinganeng, dinako tše dingwe, legapi le lennyane le. Le seke la tshwenyega. Go ne Yo mongwe a se hlapeditše. “Barongwa ba Modimo ba goragorela bao ba Mmoifago.” Ne lesome la dikete la bona palong ya go matšha bjale.

²⁴⁶ Miriamo yo monnyane, o a theoga, o namela godimo ga leswika le legolo le, gomme o patlama godimo ga lona ka mokgwa *wo*. Gomme o kitimela tlase, o hlapeditše areka. Gomme e ya pele go theoga go kgabola *fa*, gomme e ya go kgabola sehlopha se sa maribana. Morago ga nakwana e kgakgelwa ntle fale. O re, “Oo! Oo, ke a makala!”

²⁴⁷ (Bjale, papagwe o mmoditše, o rile, “Bjale o se lese motho e ka ba mang go go bona o hlapeditše seo. Ge yo mongwe a rotoga, nno itira boka ebole ga se o e lebelele, nno ya go ya ka tsela ye nngwe. O se—o se dire o ka re ebole o hlapeditše le gatee, nno tšwelapele o sepela.” “Go lokile,” o boletše.)

²⁴⁸ O ya pele go theoga lekoriba. E a kgakgelwa. Selo sa pele le a tseba, go ne sehlopha se segolo sa batheadihlapi. Gomme o dira boka o no ba mosetsana yo monnyane a sepelela tlase. Go bapa, iri ya lesome mo mosegareng bjale, le a tseba, kafao o nno sepela go theoga noka. Gomme o beile leihlo la gagwe a lebeletše morago, ka mathoko, go bona moo e yago.

²⁴⁹ Ka morago ga nakwana o feta hleng le sehlopha se sengwe. O nno tšwelapele a hlapeditše; o ya pejana gannyane. O tšwelapele a sepela, a eya pejana gannyane.

²⁵⁰ Ka morago ga nakwana o tla go leboto le legologolo. “Oo, nna, e ya ka morago ga leboto le!” A ka dira eng? Ga a tsebe a dire eng. Kafao ga a kgone go ya ka kua ga leboto, kafao o phonkgela ka meetseng gomme o gata godimo ga yona ka mokgwa *wo*, gomme o abulela godimo ga yona. O fihla godimo fale, gomme o tšwelapele a sepela.

²⁵¹ Selo sa pele le a tseba, o ka serapeng se sebotse. Matšoba a khukhušitše mogohle, gomme ke mo go botse kudu. Bjale theetšang feela nakwana. Bjale šetšang, basetsana ba bannyane. Matšoba a mabotse, le, oo, mehlare yohle e thennwé. Go bogegile bobotse kudu! Ke phaka. “Oo,” o rile, “lebelela fale, go sela! Oo, nna! Ke ka phakeng ya paleisi, paleising ya Farao, ka phakeng. Ke ya go dira eng fa? Ge ba ka tsoge ba ntshwara ka fa, oo, nna, ba tla dira eng ka nna?”

²⁵² Gomme o a hlapetše. Areka e nnyane šele e a sepela, gomme e mohuta wa go ema ntle fale ka meetseng, gomme e thoma go phaphamala tikologong, ntle ka meetseng. Ke makala gobaneng. Gomme o kwa yo mongwe a bolela. O ngwegela morago ka

dithokgweng. O dutše, gomme o lebeletše ntle ka mokgwa *woo*, le a tseba, Miriamo yo monnyane o thoma go lebelela ntle, go e bona.

²⁵³ Selo sa pele le a tseba, banna tsoko ba bagologolo ba baso šeba ba tla ba kukile khenopi ka mokgwa *wo*. Gomme methepa e latela go bapa, gomme ba a opela. Gomme mosadi šo o etla, gomme o ne lepanta le legolo la gauta go dikologa hlogo ya gagwe, le noga ye kgolo ka molomo wa yona o bulegile (ka mokgwa *woo*) ntle ka pele ga yona. Gomme ke mosadi wa go bogega gabotse, gomme o a theoga. O apere dikobo tše botse ka kgonthé, le dilo. Gomme ke kwa yo mongwe wa methepa a re, “Yo mogolo, a o nagana meetse a tla ba borutho mosong wo?”

²⁵⁴ Miriamo o rile, ““Mogolo”? Oo, yoo o swanetše go ba wa ka bogošing, kafao ke swanetše go ba ka phakeng. Gomme ge ba ka ntshwara ka fa, ba tla dira eng ka nna?”

²⁵⁵ Go lokile, o a theoga, gomme banna ba bagolo ba baso ba ba kukile kota ka tsela *ye*, ba sepelela ntlheng ya meetse ka mokgwa *woo*, gomme o rola dieta tša gagwe. Gomme mothepa yo mongwe o swere ditoulo, gomme ba bangwe ba swere sesepe. Gomme o be a eya tlase bakeng sa go hlapa ga gagwe ga mesong. O theogela tlase fale gomme o thoma go—go itokišetša go hlapa. O rola dieta tša gagwe. O rile, “Ke tla lokela menwana ya ka ka meetseng le go bona ge eba šetše a le borutho. Oo, go no ba bose, feela . . . Ke eng sela ntle fale?”

²⁵⁶ “Oo!” Miriamo, Miriamo yo monnyane o rile, “Oo! Uh-oo, šetše a bone areka yela.”

“Oo,” o rile, “a yela ke kwena?”

²⁵⁷ Yo mongwe wa banna bale ba maatla o rile, “Feele motsotsso, ke tla hwetša.” Tompša, tompša, tompša, o sepelela ntle ka meetseng. O se topa ka mokgwa *wo*, gomme o sepelela ka gare. O rile, “Yo mogolo!” O e neela mohlanka wa mosadi. Gomme mohlanka wa mosadi o e tšeela godimo le go mo fa yona ka mokgwa *woo*, gomme o e bea fase.

²⁵⁸ O rile, “Ke eng? Fše, e a nkga! E ne sekontiri gohole go e dikologa. Lebelela fa, e ne lešoba ka godimo ga yona.”

²⁵⁹ Gomme Miriamo o rile, “Oo! Oo, kgaetšedi wa ka yo monnyane šole o a ya! Kgaetšedi wa ka yo monnyane šole o a ya!”

²⁶⁰ Gomme kafao ba e bula ka mokgwa *wo*. “Oo, e be e le lesea!” Gomme le thoma . . . Lesea le lebotsebotse ka lefaseng! Gomme, oo, Modimo Yo a kgonago go hlola lehloyo, o kgona go hlola lerato; gomme lerato lohle le A ka go le bea ka pelong ya motho, mme bakeng sa ngwana, O le beile ka pelong ya mosetsana yola. Gomme o—o rile, “Ke yo mongwe wa Baheb—. . . Ke a tseba se e lego. Ke tate wa ka yola a lwalago! O ne swele! O biditše bona bohole bana ba bannyane ba Bahebere go bolawa. Gomme yo mongwe wa bomme o nno lahlela lesea la bona ntle, a le letile go

kotama e ka ba kae go ka bago. Oo, o sehlogo! Gabotse, a ka se bolaye yo, gobane yo ke wa ka.” Uh-huh, le bona ka fao Modimo a dirago?

²⁶¹ O mo kukile, gomme [Ngwanešu Branham o dira modumo wa go atla—Mor.] o a mo atla. Gomme lesea le llile. Gomme ge le llile, go nno ruthetša pelo ya gagwe. O rile, “Selo se sennyane sa go šokiša.” O rile, “Ke tla mo tšeа gomme ke ya go mmitša . . . Ke ya go mo fa leina.” Gomme fao ke moo a hweditšego leina la gagwe.

²⁶² Leina la gagwe e be e le mang? [Phuthego e re, “Moshe.” Mor.] Moshe. Gomme *Moshe* go ra gore “o ntšitšwe meetseng.” Le a bona?

²⁶³ O rile, “Bjale ke tla mmitša Moshe, gomme o tla ba lesea la ka mong. Ke tla mmoloka. Eupša bjale,” o rile, “eupša ke mothepa, nka se kgone go mo nyantšha. Ga—ga—ga ke ne tsela ya go mo fepa.” Ga se ba be le mabotlelo le dilo nakong yela. Basadi ba be ba sa kgoge disekerete le boka ba dira bjale, le a bona, le go ipha mpholo bonabeng. Kafao o rile, “Gabotse, ge o tseba . . .” O rile, “Ke eng—ke eng ke tla e dirago?” Kafao o rile, “Ke . . .”

²⁶⁴ Yo mongwe wa bona o rile, “Ke tla go botša, yo mogolo, ke tla hwetsa moledi wa matutu bakeng sa lesea la gago.”

“Oo,” o rile, “go lokile kudu.” Bonnyane . . .

²⁶⁵ Se sengwe se boletše, Morongwa a eme fale mo sethokgweng, o rile, “Miriamo, sebaka sa gago seseo! Sebaka sa gago seseo!” Miriamo yo monnyane o kitimetše ntle. O rile, “O se bolele selo bjale, o se šwahlise. O ya ntle gomme wa re o tla ‘hwetsa moledi,’ gomme o ye o bitše mmago.”

Go lokile, kafao o boletše seo. O rile, “Yo mogolo!”

²⁶⁶ Bjale, ka tlwaelo, a ka be a rile, “O dira eng fa?” Eupša, le a bona, Modimo o be a e khupeditše yohle. Gobaneng? O bile le Barongwa ba dikete tše lesome mo matšheng. Le a bona? Lenaneo la Gagwe le ya go šoma. O bile le Barongwa ba dikete tše lesome ba eme fale.

²⁶⁷ Kafao selo sa pele le a tseba, o rile, “Wa gago . . .”

O rile, “Ee, morategi yo monnyane, o dira eng fa?”

²⁶⁸ O rile, “Ke no go bona le lesea.” O rile, “Ke tseba moo go lego mme yo mobotse yoo a ka go hlokomelelago lesea la gago.”

²⁶⁹ O rile, “Eya, mo hwetše, gomme o mmotše gore ke tla mo fa ditolara tše makgolotharo ka beke go hlokomela lesea le, gomme ke tla mo fa dikamora ka moka tša matsaka godimo ka paleising. Gomme ge o tseba moo go nago mosadi wa Mohebere, yoo a sa amušago, yoo a ka amušago lesea le, le ke lesea la ka.”

O rile, “Ee, yo mogolo, ke tla go hweletša o tee.”

²⁷⁰ O rile, “Bjale, leta motsotsso! Pele o tsena ka sebong, o swanetše go ba le phasewete. O a bona, ga o tsebe phasewete.

Tšatši ka tšatši re ne phasewete. Bjale, phasewete lehono, o a tseba e be e le eng? ‘Forokosetopi le morwalo wa furu.’” O rile, “Ke seo o swanetšego go se bolela go feta keiti.”

²⁷¹ Kafao Miriamo yo monnyane o kgoro logetše go theogela gae, ka maatla bjalo ka ge a kgonne go ya, gomme o tabogile godimo ga leboto, go theoga mokgotha, le go theoga ka tsela *ye*, le go theoga ka tsela *ye*, le ka maatla bjalo ka ge a kgonne go ya. O kitimetše ka ntlong.

²⁷² Gomme—gomme Amorama o be a sa tšo tla gae, le Jogebeda. Gomme, oo, ba be ba nyamile, ba makala go direga eng. O rile, “Lesea la ka la go šokiša! Lesea la ka la go šokiša!” O . . .

²⁷³ O rile, “Bjale no theetšang.” O rile, “Ke sa tšo tla hleng nakwana ya go feta tlase fale mo mokgotheng, gomme mme yola wa go šokiša o emaemišitše yo mongwe le yo mongwe letšatši lohle. Ba tla go kgabola thwi boagišane bjo mosong wo, gomme ba gitlagantše hlogo ya lesea le lengwe le le lengwe le bilego ka boagišaneng.” Gomme o rile, “Ba be ba goeleta le go lla gakaakang! Bjale, ga ke tsebe, lesea la gago, e ka ba kae le lego. Moo lesea la rena le lego, Modimo o tla le hlokomela.”

²⁷⁴ Feela nako yeo se sengwe se ile . . . [Ngwanešu Branham o kokota phuluphitthing makga a mane—Mor.] “Oo! Oo! Bona šebale, mo mojakong bjale.” Kafao, ba ile le go lebelela. Aowa, e be e se bona. E be e le Miriamo.

²⁷⁵ O rile, “Oo! Oo, Miriamo! Tsena, morategi! Go diregile eng ka lesea?”

O rile, “Mme, ke swere ke tlala kudu.”

O rile, “Eupša go diregile eng go lesea?”

²⁷⁶ O rile, “Ke nyakile go borwa, mme.” O rile, “Oo, tumišang Morena! Haleluya! Ke nyakile go borwa, mme.”

O rile, “Eupša go diregile eng ka lesea?”

²⁷⁷ O rile, “Mme, ke swerwe ke tlala kudu nka ja se sengwe le se sengwe ka ntlong.”

²⁷⁸ O rile, “Re tla go tlela se sengwe go ja, eupša go diregile eng ka lesea?” [Ngwanešu Branham o kokota phuluphitthing makga a mararo—Mor.]

²⁷⁹ O rile, “Oo, lesea le gabotse, mme. Mphe se sengwe go ja. Oo, ke thabile bjang!”

“Eupša go diregileng go lona?”

²⁸⁰ “Gabotse, mphe se sengwe go ja, ke no nyakile ke borwa.” A o ka kgona go eleletša seo?

²⁸¹ O rile, “Miriamo! Yo ke mme le papago. Lesea le kae?” [Ngwanešu Branham o kokotile phuluphitthing makga a mararo—Mor.]

²⁸² O rile, “Mme, ke go boditše. Lesea, ke le bone, gomme le gabotse. Bjale, mme, nkhweletše se sengwe go ja; ke a borwa. Le a tseba, ke—ke no nyakile go borwa.” Boka o le ge o etla gae go tšwa sekolong, o a tseba; oo, o no swanelo go hwetša se sengwe.

Kafao, o ile le go mo hweletša sangwetše. O rile, “Bjale mpotše.”

²⁸³ Gomme a eya, “Mmm, mmm, mmm,” a ejá, le a tseba, boka. O rile, “Mme?”

O rile, “Ee, eupša go diregile eng ka lesea?”

²⁸⁴ “Gobaneng,” o rile, “mme...” O mmoditše kanegelo. Gomme o rile, “Mme, o a sepela o tšea diaparo tša gago tše kaonekaone, le go tšea sutukheisi ya gago e pakilwe, gobane o ya go hlokomela lesea.” Oo! Oo! Oo!

“Eng?”

²⁸⁵ Ge o lahlegelwa ke yona, o tla e hwetša gape. A yeo ke nnete? Ge o e boloka, o tla lahlegelwa ke yona. Ge o e neela, o lahlegelwa ke yona, o tla e hwetša. A yeo ke nnete?

²⁸⁶ Gomme Miriamo yo monnyane a no itiela. O rile, “Ee.” O rile, “O ya paleising lehono. Gomme go sego seo o feela, eupša o ya go, fiwa, go fiwa ditolara tše makgolotharo ka beke, le dikamora tše kaonekaone ka setšhabeng, go hlokomeleng lesea la gago mong.”

²⁸⁷ Lekga la mathomo ka go histori yohle ya lefase moo mme a kilego a ke a lefša go fepa lesea la gagwe mong. Le bona ka fao Modimo a e dirago? [Ngwanešu Branham o phaphatha diatla tša gagwe dinako tša tharo—Mor.] Haleluya! Go fepa lesea la gagwe mong, gomme o hweditše ditolara tše makgolotharo go yona, le dikamora tše kaonekaone ka nageng. Modimo o dira dilo, a ga A? A go a lefa go rapela? [Phuthego e re, “Ee.”] A ke mo go botse go rapela? [“Amene.”]

²⁸⁸ Kafao, o beile sutukheisi ye nnyane ya gagwe komana. Re tla akgofiša bjale, re ya go tswalela mo motsotsong. Kafao re... O beile sutukheisi ya gagwe komana, gomme go ile go theoga tsela, feela ka maatla bjalo ka ge a kgonne go ya. Gomme selo sa pele le a tseba, o a tla; moletakgoro yo mogolo wa kgale a eme fale ka lerumo le legolo, o rile, “Ke mang fale?”

O rile, “Forokosetopi le morwalo wa furu.”

“Fetela pejana.” Le bona ka fao Modimo a dirago dilo?

²⁸⁹ O ile go moletakgoro wa go latela. Yena šole o goga tšoša ya gagwe, o rile, “Ke wena mang? Ke mang a yago fale?”

O rile, “Forokosetopi le morwalo wa furu.”

O rile, “Fetela pejana.” Nna! Le bona ka fao Modimo a dirago dilo?

²⁹⁰ Ya godimo, o lebelela go kgabola paleisi; thomiša godimo, gomme bohole ba mošate ba tšwela ntłe, ba goga ditšoša tša bona. “Ke mang a yago fale?”

O rile, “Forokosetopi le morwalo wa furu.”

“Fetela pejana ka gare.”

²⁹¹ Selo sa mathomo le a tseba, monna o sepeletše ntle, o rile, “A ke wena mohumagadi yo monnyane yoo yo mogolo a mo letilego?”

“Ee.”

²⁹² “Gomme a yo ke moledi wa go amuša bakeng sa lesea le le hweditšwego mosong wo?”

“Ee.”

²⁹³ O rile, “Gabotse, mo tliša ka gare.” Kafao o tliša lesea ka . . . goba tliša mme ka gare.

²⁹⁴ Gomme—gomme mo—mo mohumagatšana yo monnyane o sepeletše ntle, gomme o rile, “A o tseba e ka ba eng ka masea?”

O rile, “Ee, yo mogolo.”

O rile, “Lebelela lesea la. A ga le botse?”

“Ee, yo mogolo. Ee.”

O rile, “O ka kgona go tseba o amuše lesea bjang?”

“Ee, yo mogolo. Kgonthé.”

²⁹⁵ “Gabotse,” ba rile, “ke tla go fa, mogolo wa gago ke, ditolara tše makgolotharo ka beke.” Hmm! A Modimo o be a se a loka? Gomme o rile, “Gomme o ne dikamora tše kaonekaone ka paleising, gomme dijo tša gago o tla di romelwa. Ebile ga wa swanela go tšwela ntle le go apea dijo tša gago mong.” O rile, “Bjale, lesea šele, hlokomela. O se le wiše.”

“Oo, o se tshwenyege, nka se ke. O se tshwenyege, Nka se le wiše.”

“O le hlokomele gabotsebotse.”

²⁹⁶ “O se tshwenyege, ke tla dira. Le tla ba le tlhokomelo ye kaonekaone.” Kgonthé, le be le le la gagwe mong, le a bona. “Ke tla le fa tlhokomelo ye kaonekaone.”

“O a bona ke lesea le lebotse?”

“Le lebotse kudu,” o boletše.

“Go lokile.”

²⁹⁷ Mojako o tswaletšwe, go Miriamo, le mmagwe, le Moshe yo monnyane. Gomme ge mojako o tswaletšwe, o lebeletše gohlegohle. O rile, “Ehu-ehu-ehu! Gomme o naganne go be o le lesea la gagwe. Ha-ha-ha-ha-ha!” Oo, nna! O le popotleditše.

²⁹⁸ O dirile eng? O . . . Ge nkabe a le bolokile, ke eng a ka bego a e dirile? [Phuthego e re, “Lahlegetšwe ke lona.”—Mor.] Nnete, o le file morago go Yena Yo a mo filego lona, gomme o (eng?) le hweditše, gomme a ka le boloka. Bjale go direga eng ge re lahlegelwa . . . Ge re boloka soulo ya rena, go direga eng? [“Re lahlegelwa ke yona.”] Gomme ge re e fa morago go Yena Yo a re

filego yona, go direga eng? [“Re tla e boloka.”] Re tla e boloka. A yeo ke nnete?

²⁹⁹ Ke ba bakae ba lena bohole le ka ratago go tla godimo go dikologa aletara le go rapela? A le ka rata go e dira? A le ka rata go Jesu go le hlokomela boka A dirile bona, lesea le lennyane? Bjang... Anke bohole, bana ba bannyane, ba bothane go dikologa aletara fa bjale. A le tla e dira? Etlang thwi go dikologa, khunamang go dikologa aletara. A re rapeleng, bohole ba lena. Bana bohole ba bannyane bjale rotogelang fa. A le ratile kanegelo ya ka mabapi le ye? [Phuthego e re, “Ee.”—Mor.] A le ratile yeo? Go lokile, bjale rotogelang thwi go dikologa aletara. Bjale etlang. Bohle lena bana ba bannyane etlang, khunamang thwi go dikologa aletara, nno khunamang fase thwi fao mo—thwi fao mo aletareng. Yeo ke yona. Lena bohole ba bannyane ka morago, etlang fa bjale, re ya go rapela. Go lokile. Le nyaka go rotoga le go rapela. Rotogang gomme le khuname go dikologa aletara. Yeo ke nnete. Bjale, go lokile. Seo se no ba go loka.

³⁰⁰ Bjale, bomme, le nyaka go tla, le lena, le bopapa, bohole le nyaka go khunama mo mokgobeng?

³⁰¹ Bjale ke nyaka go botšiša lena bana ba bannyane se sengwe fa. Lebelelang. A le dumela gore Jesu o le rata feela boka A dirile Moshe? A le dumela gore Barongwa ba le šeditše ka mokgwa wo? Bjale, Modimo o le file soulo, a ga se A? Bjale, ge o boloka soulo ya gago, go tla direga eng go yona? [Bana ba re, “Lahlegelwa ke yona.”—Mor.] O ya go lahlegelwa ke yona. Eupša ge o e neela morago go Jesu mosong wo, gona o ya go dira eng? [“E boloka.”] O ya—o ya go e boloka. O nyaka go e phološa. Bjale o nyaka go phološa soulo ya gago, a ga o? Gomme le nyaka go gola go ba bomme le bahumagadi ba kgontha, a ga le; le banna ba kgontha, bareri, le go ya pele? A ga le nyake go dira seo? Bjale, ge eba le dira, gona le nela soulo ya lena go Jesu. Tsela še ya go e dira. O re, “Morategi Jesu, se ke sohle ke nago go Go fa, ke soulo ya ka, eupša O ntšhetše boka O dirile Moshe.”

³⁰² Bjale, ge eba ba bangwe ba lena ba bagolo le nyaka go tla le go khunama, le lena, ba bangwe ba lena bomme, mohlomongwe, gore la ka nyaka go khunama fa mosong wo. Gabotse, le buletšwe, le lena. Ge le rata, etlang, khunamang fa go bapa. Seo ke se sekaone. Mme yo mongwe šo o a tla le mošemane wa gagwe yo monnyane. Go ka dira yo mongwe gape?

³⁰³ Tate, papa, e ka ba mang wa lena, ge eba o nyaka go ba monna wa go rapela boka Amorama a bile, o a tla, wa khunama, le wena.

³⁰⁴ Mme, ge eba o nyaka go ba boka Jogebeda, gobaraneng, o tla thwi go bapa, wa khunama, le wena.

³⁰⁵ Kgontha, ke ya yo mongwe le yo mongwe. Gobane (Eng?) o ne soulo, le wena. Ge o e boloka, go tla direga eng? [Phuthego e re, “Lahlegelwa ke yona.”—Mor.] Lahlegelwa ke yona. Gomme ge o e neela morago go Yena Yo a go filego yona, go direga eng?

[“E phološa.”] O tla e phološa, go ya Bophelong bjo bosafelego. Yeo ke nnete. Bjale, a le ka se bothane go dikologa, bohle ba lena bao le ratago bjale, gomme a re beng le thapelo le ba bannyane ba, le rena, le bohle bjale.

³⁰⁶ Letšatši la Bomme, letšatši la go kgahliša. Gomme mohlomongwe bošegong bjo, nka fetola thuto ya ka gomme ka ya pele le go bolela se mme yola a se dirilego, ka fao mme yola a dirilego sela. O bile yena yo a rutilego mošemane wa gagwe yo monnyane go hlahlala bohle ba Israele go ya nageng ya tshepišo. Oo, o be a le mme wa kgonthe. A o be a se mme wa kgonthe? [Bana ba re, “Ee.”—Mor.] Bjale, o ne mme wa kgonthe, le wena, gomme mme o a go rapediša. O be a le papa wa kgonthe. Gomme papa o a go rapediša. Gomme bjale bohle re ya go rapela mmogo, le go kgopela Jesu go re thuša.

Ngwanešu Neville, a o ka tla, wa khunama le rena?

³⁰⁷ Gomme anke bohle re inamišeng dihlogo tša rena, mogohle. Bjale Kgaetšedi Gertie... [Mmapiano o thoma go bapala *Ba Tlišeng Ka Gare*—Mor.]

³⁰⁸ Morategi Tate wa Legodimong, ye nnyane ye, kanegelo ye bonolo lehono, ka ga matšatši a matelele a a fetilego, moo tate le mme wa therešo, modumedi wa therešo, ba tla go Wena gomme ba Go rapetše. Ba Go dumetše. Go bile le tlalelo ka nageng mo nakong yela. Gomme re tseba bjang gore go ne Moshe yo monnyane wa sebjalebjale a khunamego fa mosong wo! Re tseba bjang gore ga go ne Miriamo yo monnyane wa sebjalebjale a khunamilego fa mosong wo, le yena, moperfetagadi!

³⁰⁹ O Tate Morategi, bana ba bannyane ba ba a Go rata, gomme ba a tla, ba khunama mo sefapanong, ba lemoga gore ba ne soulo yeo e swanetšego go phološwa, gomme ba e neela go Wena bjale. Gobane re sa tšo bala Lentšung la Gago, “Ge o lahlegelwa ke yona, o tla e hwetša; gomme ge o e boloka, o tla lahlegelwa ke yona.” Gomme, Tate, ga se ba nyake go boloka soulo ya bona go bonabeng. Ga ba nyake go iphelela bonabeng. Ba nyaka go neela soulo ya bona go Wena, gore, go e neeleng, ba ka hwetša Bophelo bjo Bosafelego. Efa, e fe, Morena.

³¹⁰ Šegofatša bohle bašemane le basetsana ba bannyane ba go dikologa aletara. Šegofatša bomme le botate bao ba lego fa mosong wo. Oo, anke mogau le kgaogelo ya Gago ya go ratega e be godimo ga bona bohle. Re swarele, Morena, go dibe tša rena tšohle le mefokolo. Tloša bolwetši magareng ga rena.

³¹¹ Romela Barongwa! Haleluya! Modimo, Wena O laetšego Gabarie, gomme Barongwa ba dikete tše lesome ba ile ba matšha, ke Barongwa ba bantši gakaakang ba tlago tikologong ge ba bone bana ba bannyane ba ba khunama mo aletareng ye mosong wo! Gohle go dikologa, godimo ga aletara ye le go kgabola kereke ye, go eme Barongwa ba Modimo. Morongwa wa go rekota o fa, o tšeela maina a bona ka Pukung. Ba lahlegelwa

ke soulo tša bona, gore ba kgone go e hwetša ka go Kriste! E fe, Morena.

³¹² Anke, go tloga letšatšing le, go ya pele, maphele a bona a mannyane a be bose le go kokobela. Anke ba be bana ba go obamela go batswadi ba bona le go Tate wa bona wa Legodimong, go fihlela letšatši leo O ba biletšago Gae. Ba hlahle ka go legapi le le nnyane la bona, tlase go kgabola sedingwadingwane se sengwe le se sengwe. Nako ye nngwe le ye nngwe e kgakgelwago ka dithokgweng, anke Barongwa ba Modimo ba e kgoromeletše go ya ka go meela ye e elago ya lerato la Modimo. E fe, Morena. Gomme mo bofelong bja tsela, anke ba hwetše Legae la go ratega, le bommagobona le barategi ba bona fale ka Letagong, moo Modimo a emego mo keiting go ba amogela, letšatšing leo. E fe, Tate.

³¹³ Re swarele rena bohole go dibe le dikarogo tša rena. Gomme o re thuše go tloga letšatšing le go ba ba Gago ka moka. Re gafela bana ba bannyane ba ka diatleng tša Gago bjale. Gomme bomme ba le bona, Morena, gore ba tla ba mohuta wa maleba wa bomme godimo ga Letšatši le la Bomme, nako ye ya segopotšo yeo e filwego bomme. Gomme anke bona, go tloga letšatšing le, ba be bomme ba bakaone. Anke bana ba be bana ba bakaone. Anke bohole re be ba bakaone, Morena, le go Go hlankela gagolo. E fe, Tate, gobane re e kgopela Leineng la Jesu. Amene.

Bjale a re opeleng khorase ye nnyane.

³¹⁴ A o a dumela Jesu o go pholositše? A o nyaka Jesu go go diša bjale, ge o sa ema? Phagamišetša seatla sa gago go Yena, ka mokgwa wo bjale. Ke nyaka o retologe go papa le mme, le bohole ba bona. Retologa ka mokgwa wo. Bjale lebelela fa, mme le papa. Bohle lena basetsana le bašemane ba bannyane emelelang. Bjale, ke ba bakae le amogelago Jesu bjalo ka Mopholoshi wa lena, gomme le ya go tshepa Jesu go tloga bjale go ya pele, go le hlokomela boka A dirile Moshe yo monnyane, a re boneng diatla tša lena. Yo mongwe le yo mongwe wa lena. Go kaone! Bjale go diregile eng? Ge o boloka soulo ya gago, o eng? [Phuthego e re, “Lahlegelwa ke yona.”—Mor.] Lahlegelwa ke yona. Eupša ge o e neela go Jesu, go tla direga eng? [“E boloka.”] O tla e boloka. Bjale, go ka reng ge Jesu a ne wena mosong wo? Gomme o wa Jesu bjale, a ga o? O mošemane le mosetsana yo monnyane wa Jesu.

³¹⁵ Lebelela baisa ba bannyane ba ba emego fa ka dikeledi. O mpotša Modimo ga a tsebe seo? Amene. Banna le basadi ba gosasa! Emelelang.

Ba tlišeng ka gare go tšwa mabaleng a sebe;
Ba tlišeng ka gare, ba tlišeng ka gare,
Tlišang ba bannyane go Jesu.

“Oo, Ka Fao Ke Ratago Jesu!” Bjale etlang pele!

Oo . . . (lena bohole) . . . ka fao ke ratago Jesu,
 (phagamišang diatla tša lena bjale)
 Oo, ka fao ke ratago Jesu,
 Oo, ka fao ke ratago Jesu,
 Gobane O nthatile pele.

³¹⁶ Seo ga se botse? Bjale, *Jesu O rata Bana Ba Bannyane Ba Lefase*. Re fe khote, kgaetšedi. Bjale bohole retologelang thwi ka tsela ye, go nna, lena basetsana ba bannyane. Ke nyaka go opela *Jesu O Rata Bana Ba Bannyane Ba Lefase*. Ke ba bakae ba e tsebago? Go lokile, a re opeleng bjale.

Jesu o rata bana ba bannyane,
 Bana bohole ba lefase;
 Ba bahubedu le ba serolwana, ba baso le ba
 bašweu, ba bohlokwa pele ga sefahlego sa
 Gagwe,
 Jesu o rata bana ba bannyane ba lefase.

³¹⁷ Bjale, bohole ba lena le ka sešoleng bjale. A le be le tseba seo? Le a tseba le ka sešoleng sa Modimo? Bjale, le lebelele thwi go nna. Gomme le opele le nna bjale, gobane le mašole bjale. A le tseba seo? Mašole a sefapano! Bjale, *Nka No Se Tsoge Ka Matšha . . .* Le tseba yeo? Go lokile. Go lokile, kgalekgale, pina ya kgale ya sekolo sa Lamorena ke ithutilego.

Nka no se tsoge . . .

Bjale lena, le nna bjale. [Ngwanešu Branham o dira ditiro ge a opela mantšu a *Ke Ka Sešoleng Sa Morena*—Mor.]

Nka no se tsoge ka matšha ka ntweng ya fase,
 Ka otleta ka sešoleng sa dipere, ka thuntšha
 dibetša;
 Nka no se tsoge ka fofa godimo ga lenaba,
 Eupša ke ka sešoleng sa Morena.
 Ke ka sešoleng sa Morena,
 Oo, ke ka sešoleng sa Morena!

Etlang pele le nna bjale. Bohle mmogo bjale. Bjale!

Nka no se tsoge ka matšha ka ntweng ya fase,
 Ka otleta ka sešoleng sa dipere, ka thuntšha
 dibetša;
 Nka no se tsoge ka fofa godimo ga lenaba,
 Eupša ke ka sešoleng sa Morena.

³¹⁸ Le dumela le ka kgonia go opela yeo ka bolena? Etla godimo fa, kgarebjana, rotogela thwi fa. Bjale ke nyaka lena bohole go ya ditiro tša go swana ke dirilego. Etlang go dikologa, ka morago ga aletara fa, bjale. Rotogelang fa. Yo mongwe le yo mongwe wa lena, sepelelang thwi godimo fa moo ke lego, le a bona. Matšhetšang godimo fa; ga a gona a tlogago aletareng. Rotogelang fa le nna. Yeo ke yona. Thwi. Thwi ka mokgwa *wo*. Bjale retologang ka mokgwa *wo*, lebelelang batheeletši ba, ka

mokgwa *wo*. Yeo ke yona. Ke nyaka go le bontšha bašemane le basetsana ba ba botse ba bannyane ba dira eng morago ga ge ba tseba Jesu. Bjale, etlang thwi morago fa, bašemane le basetsana. Bjale le . . . Yeo ke yona. Bjale bonang ntle fale.

³¹⁹ Bjale ge ke re, "Nka no se tsoge ka matšha ka sešoleng," lena . . . "matšha ka ntweng ya fase," le a matšha, le lena. Ge ke re, "Nka no se tsoge ka otlela ka sešoleng sa dipere," le dira dilo tša go swana ke dirago. Bjale emelang morago kgojana le nna, moragorago bjale, le dira sekgoba. Moragorago, moragorago, bjale le komana. Bjale etlang pele, a re e opele. [Ngwanešu Branham le bana ba dira ditiro ge ba opela—Mor.]

Nka no se tsoge ka matšha ka ntweng ya fase,
(Šetšang!)

Otlela ka sešoleng sa dipere, ka thuntšha
dibetša;

Nka no se tsoge ka fofa ka godimo ga lenaba,
Eupša ke ka sešoleng sa Morena.

Oo, ke ka sešoleng sa Morena,
Ke ka sešoleng sa Morena! (Komana!)

Nka no se tsoge ka matšha ka ntweng ya fase,
Otlela ka sešoleng sa dipere, ka thuntšha
dibetša;

Nka no se tsoge ka fofa ka godimo ga lenaba,
Eupša ke ka sešoleng sa Morena.

³²⁰ Amene! Nno emang go iketla. Ke ba bakae ba ratago yeo? E reng, "Amene."

³²¹ Bjale, Tate wa Legodimong, šegofatša bana ba bannyane ba lehono. Ke ba Gago, Morena. Ba neetše maphelo a bona go Wena. Ba kwa kanegelo ye nnyane ya Moshe le ka fao O mo šireeditšego. Ba kwa ka ga mme wa go loka le papa wa go loka yo a ba hotšego le go ba godiša. Gomme go bjalo bana ba bannyane ba ba ne bomme le bopapa ba go loka. Gomme ke a rapela, Tate, gore O tla ba hlapetsa le go ba phemiša tlase ga moela wa nako, gomme anke Barongwa ba Modimo ba ba šireletše. Efa . . . Gomme gona eba ka bofelong bja go amogela, go ba amogela mo matšatšing a mafelelo, Morena, ka Mmušong wa Gago. Re kgopela Leineng la Kriste. Amene.

³²² Bjale le ka boela morago madulong a lena gomme le botše papa le mme ka fao le ikwelago gabotse. Amene.

³²³ "Matšatši ohle a go hlehla ga bona ba be ba hlahliwa." (Le tseba yeo, le yona?)

... a go hlehla ga bona ba be ba hlahliwa,
Go naga ya tshepišo ba be ba hlahliwa;
Ka seatla sa Morena ka tlhahlo kgonthe,
Ba tlišitšwe lebopong la Kanana.

Yo mongwe le yo mongwe!

Leswao la mollo bošego,
 Le leswao la lerus mosegare,
 Le lekeletše godimo, feela pele,
 Ge ba eta tseleng ya rena,
 O tla ba mohlahlili le moetapele,
 Go fihla lešoka le fetilwe,
 Gobane Morena, Modimo wa rena, mo nakong
 ye botse ya Gagwe
 O tla re hlahlela seetšeng mafelelong.

³²⁴ Ke ba bakae ba babjago mosong wo gomme ba nyaka thapelo? A re boneng seatla sa gago. Go beng gore re thari gannyane, mohlomongwe re tla bea tirelo ya rena ya phodišo ka thoko go fihla bošegong bjo, gomme go no neela lentšu la thapelo bjale, gobane re thari gannyane.

³²⁵ A le ipshinne ka kanegelo ye nnyane? [Phuthego e re, “Amene!”—Mor.] Le nagana e be e loketše digotlane tše dinnyane? [“Amene!”] Ya. Re—re a ba feta dinako tše dintši. Ga ra swanela go dira seo. Le a bona, ga nke ke hwetša sebaka go ruta sekolo sa Lamorena, gomme mosong wo e bile nako go bolela le bona. Ga se ke nyake go le lapiša, eupša ke nyakile go le botša kanegelo ye nnyane ye.

³²⁶ Elelwang, bana ba bannyane, yeo ga se kanegelo ye nnyane ya kgale le e balago e ka ba kae. Yeo ke Therešo. Yeo ke Therešo! Modimo o dirile seo. Gomme O ne *lena* bjale. Go lokile.

³²⁷ A re inamišeng dihlogo tša rena bjale ge re opela pina ya rena ya go phatlalala, ka go nokologa, “Tšea Leina la Jesu le wena, bjalo ka kotse go lenaba le lengwe le le lengwe.” Go lokile.

Tšea Leina la Jesu le wena,
 Ngwana wa manyami le wa madimabe.



THUTO KA MOSHE NST56-0513
(Teaching On Moses)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Mei 13, 1956, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org